



吳真沈夢麟先生花穀集序

昔人謂之章而朽君子不由也然則君子所由其有

要乎噫難矣哉先輩之人學博而用周深而積

厚以守志於時有所叙述諷詠典則之制衣成和平之

音著而中以酬應無故道焉不得志而隱約于下心

率如是也自有其人士於傳之後生仰之槩諸平生未

嘗規於和而雲聲文苑則擬之立言可也謂

之不朽也可也雖然抑有幸不幸存焉竊觀

往世者宋之文事矣大家顯人昭可數其他刻

意文事篇目浩瀚具在枕文等志孰能盡見

之哉蓋并其初稿而止者多矣譬諸樹榦深
木泛々烟海雲濤之間飛去美材異質然後
忽蕩散莫知所之至有沉沒沙石久而獲出
因有居士之道假山之號豈非幸哉文章之顯晦
蓋亦有然者甚乎其為難也元之世文好瞻蔚論者
謂南賦理而北雄剛執政頗不同文儒善以才自馳
騁晚值改物濡化更務本實蓋文之不可泯者若
是真多麟先生其人歟先生精易學舉後至
元己卯鄉薦登進士授婺源州學正遷武康令
至正多故解官歸安花谿故里時誠意伯

劉公游宦閩浙與世齟齬每相依溪上嘗寄贈
之杜陵老玄詩千首陶令歸來酒一罇其評品許
與至矣

國初以閩良官徵先生辭疾不復仕退以詩文自娛
五校文閩浙再同考會試

高廟禮重之自稱為老玄試官年垂九十三而沒先
生博學稟積得老玄日少隱處之日多感遇酬應
富厚卷軸有花谿集藏于家尚論文事可謂老
而成矣不意家罹禍子孫請戍北鄙集遂散逸
近歲先生之玄孫刑部郎官清錄因南畿過故

郡訪求士大夫家錄得今本什一千百耳致
 言以弁其首予病索居乃從觀焉副押仙禽
 廻翔于野未見凌霄之勢然羽儀楚々精神
 俊逸自是必塵物也聞翰苑鉅儒欲選類
 國朝文字其能遺之斯集哉予喜先生之有遇且
 彰清之能孝不辭而序之
 弘治六年癸丑秋九月朔

賜進士第資善大夫致仕刑部尚書莆田彭韶書

花谿集

江西提刑按察司按察使邑人陸珩編

副使郡人吳瓊校正



夫何清平之世對三才
 三才神秀於天日萃佳氣於錢塘
 景而凌朝陽豈天造而地設將俟
 時乎發祥爾其盤迴拂鬱坡陀衍迤襟帶乎三江磬磬乎

九地壯吳越之雄清應斗牛之躔次翼然若鳳凰之奮騰奮
手若蛟龍之鼎鑪若乃林霏歛夕爽氣澄室鑄百泉之琴筑
涵萬谷之笙鏞散天香於琪樹探月露於珠宮茲山之為清
所以沛甘澤而振皇風也既坦既夷不峻不側鑿穿崖之巖
崖剪蒙茸之荆棘布黃鉉以為地長白雲以為席茲山之平
所以息干戈而奠邦域也其東則天塹壁立海門中開納日
月之出入通潮汐之往來渺靈槎于滄海接仙袂于蓬萊
其南則神禹之穴勾踐之毘山千巖其競秀水萬壑而爭趨
帆落西陵之渡歌回遠浦之漁西望則靈鷲之峯呼猿之
洞聳樓閣之驚飛銅鼓鐘之迭送瀉千頃之玻璃亘六橋
之端竦北望則萬室鱗次百屋棋布塞車馬于康莊聚貨
財于商賈薇垣拱宸極之尊栢府肅秋霜之署蓋嘗登萬
眺遠覽今撫昔感鳴夷之忠魂吊祖龍之荒迹射潮之鐵
箭沉沙瘞浙之餘艘遺石老孤山之梅梢淡蘇堤之柳色
雲昏葛嶺之青月冷岳墳之碧慨往事之銷沉漠如長
空之鳥沒也地靈靈氣會天開

聖朝皇風遠播陰冷潛消閩海隅之黎庶分廊廟之慶舉
偉和寧之忠獻宣德澤而甄陶疏河流之活潑賑飢民之嗷
藹甘棠之蔽芾聿新廟之岩嶢倚歟相君世濟其美帝念
南邦民亦勞止汝其往哉繼汝先志相君是來承命弗替起

疲瘁于群生化強梁于四裔妖氛廓清文教漸被思前王而
不忘崇梵宮而歲祀赫祠宇之再新勒貞珉而昭示日吉
晨良禮脩樂彰牲牲肥順黍稷馨香集賓僚之濟濟沛文
物之洋洋化民德而歸厚衍流祚于無疆嗟惟此山俯仰
千古表清平之壽考與邦家而永固故覽茲山之清者
可以滌蠱尤之毒務復茲山之平者足以遵皇極之路小子
何知明時欣遇奮蕭蕭之羽翼勉登高而作賦冀天風之
我吹附青雲之高步

金雞竿賦

太白流英鼎宿宣精妙二氣之輻輳屹一柱而崢嶸近日
月之精宅天地之清寧此非金雞之竿所以肆放而得名
者乎方其星沉麗水天雨棟陽黃龍繡其瑞彩白薇耿其寒
芒質從華而不變材過礪而愈彰若乃竿徒委赤瓜于墮黃
霜菊爛其有色月桂屑而無香圓飯尚乎馬蹄紫鏤嗽乎禽
吭閨富媪之珍祀哭姪母之瀨倉爰避而造爰襲而歲九
牧貢於內府三品漆香繼揚于是鶉火夜伏雞星曉升通柅都
擢之孛秀騰縹素而長鳴想其金珠朱冠丹頸玄膺蒼距矯
攬彩尾翹騰赤玉刻彪炳之文紅綃剪爛熳之翎咏天田
之稼穡飲咸池之清冷一鳴而天門開三唱而離戶明紀消
莫能刻其巧朱公莫能祝其名於是戒治氏謹攸司合土以

做其像范金以鑄其像方陰陽之磅礴發乾元之端倪以為華
虫耶扣之鏗爾而有聲以為跋鳥耶望之昂然而歎嗚爾其
武庫之令少府之官經營意匠摩挲羽翰差吉日祥美觀爰
出是雞擢于脩竿是竿也不蔓不枝匪撐匪拄干雲霄于上
清俯埃溘于下土灑翰前之登天灑金堂之承露蓋所以揚
巽風作解雨也皇上於是乘玉輅駟蒼麟鳳棲啓羽壽彝續
大明升而六合曉一氣薰而萬物春招雀駕於青宮伐鼉鼓于
臯峯門乃暨雞竿絳幡翻爰有鶴仙羽衣還循朱繩以來下
捧紫泥以敷宣于以端天下之本于以開人心之天周天漢新
既從於滌蕩鄭書晉鼎又切夫哀憐是宜齊臣羞于委轡楚
國愧于封錢也且乳為金異為雞斯剗斷之有取亦申命之
莫違故金雞之有赦所以軼李唐而有光武帝命于九圍也遐
邇小臣敢再拜而獻頌曰維雞有星煌：厥靈予以肆赦乃平
其刑維雞有竿絳幡翻：維刑之恤王道平：於鑠我皇臨
下有赫日宣重光時萬時億

○記

西軒記

金莊盧亨字士嘉以其父彥明氏之命持前朝李雪菴學士所
書西軒二大字來徵予文為記予問之曰子方青年雪菴學士
去今七十年于茲矣子何以得此士嘉曰斯扁乃先世所遺者

亨自幼罹兵戈家貧代食於農園知向學故先世名號之弗詳
予曰予之先世我知其畧予之曾大父縣尹公嘗蒞歸安政
官滿以其仲子贊吾族花谿之沈生汝父彥明氏遂家焉
又謂予曰吾從父疏齋公嘗為浙西廉訪使家歲有疎齋
集予請讀之當時乃其風流文采猶可想見意西軒二字
必疎齋公伯仲間齋偏也今予裝滿成卷表之以貝錦軸之以
碧玉寶之如大物且曰吾將闢一室揭斯偏於其上以為親朋來遊
之地嗚呼若予之志可謂不忘於先世矣予嘗讀唐史見李勣
謂其弟曰吾見房杜二勳立門戶悉為不肖子弟敗之今以
子孫付汝有不勳言行文非其類者即榜殺之觀此可見

古人嚴于家訓者是有望於後胤也近世富家大族銖粟黍
累積貨貨至鉅萬曾不旋踵為不肖子孫敗之者比皆是
焉况自昔年兵變以來南北士大夫之子孫或入皂隸或沒所
從其視先世之琴瑟典籍與凡珍玩之物不毀於兵變則必
淪於草野又豈可勝嘆哉詩曰維桑與梓必恭敬止嗚呼若士
嘉父子之志其能不忘其本而賢于彼不肖者何當相去萬
二耶予故于此獨詳於盧氏之世系者將使彥明之後胤觀西軒
二字則孝弟之心油然而生讀予之文或者可以振起其故家文
獻之風而自拔于流俗也士嘉之父于勉平哉遂書為記

音樂之至古者莫如琴羽族之至清者莫如鶴之二物者形質
不相似也動植不相侔也而其聲音之感常流通上下者何哉
是故虞廷搏拊而鳥獸率舞瓠巴鼓瑟而遊魚出聽伯牙鼓
琴而六馬仰秣此琴所以為聖人之雅樂也鶴所以為神仙之
騏驎信乎聲音感通之妙有如是焉予嘗假館于錢塘城東
之湯鎮彼有學者錢以良人品清峭好讀書能臨晉人帖又喜
鼓琴其父仲仁氏備其軒曰琴鶴嘗令其子求文為記予嘗
諾之而老懶不能即應其請一日與以良同客府城時初秋
餘暑未退復同舟還館所行未數里雷雨大作稍焉風止雨
休陰雲解駭明月在天清風襲人灑然有秋意舟至岸下
以良邀予入室張燈啜茶取琴彈之初操宮羽曲韻然若奔
湍之落高崗也再操商角調飄然若柳絮之御微風也餘響
未終有鶴戛然長鳴若自海南而來者嘹然若奏鈞天於
帝所焉鏘然若舞霓裳于桂宮焉吾彈琴于下雀應聲
于上將翔將翔將止將起若雄倡而雌從也母呼而子應也盤
旋于吾屋之上久之而不去時夜將二鼓燭亦將滅雀于
漸遠吾琴亦歇以良請作歌以宣之歌曰大青窈窕兮聽
者其誰新聲哇淫兮我心傷悲琴兮琴兮微斯人吾誰與
歸再歌曰有雀兮高飛聲冷兮求海涓感琴而來下嗟吾
人兮曾不如一羽之微歌畢以良乃下榻西齋扶予入偃息

予乃陶然一覺不知東方明矣以良紵筆劄請書之為琴
宦軒記

逸齋記

距錢塘之東三十里曰湯川海門控其南嶽祠抗其北林麓蔽
如桑柘沃若地宜菽麥園多枳橘疑有隱君子居之予因假
館胡氏一日鄉之處士陳儻卿先生過予館下見其儒冠而野服神
全而氣完意其為有道之士也及接辭氣語道理傾蓋如平生
歡與之締交自此始處士前以逸齋顏其居將乞文於一笑居士
書來示友敬老人老人笑曰儻卿去我咫尺爾舍此而弋彼得非
輕家雞而愛野鷲乎然儻卿吾之親友也遺聲利息交游隱

于湯川老且久先生何靳一言以談之予笑曰儻卿嘗以文為戲矣
今若此是誘我與一笑居士爭衡也是大不可友敬嘲予曰先生
豈欲一字而三緘耶不然何憂之乎難之甚矣翌日復請之曰
先生怒至形于色不亦已甚乎故不得而辭焉然余聞逸之為
訓曰超曰縱曰隱曰適其義不一而足處士以是名齋將欲超逸
萬物之表耶抑將隱逸乎巖谷之間耶今夫羅八珍于俎豆實
五齊於尊爵吹竹彈絲歌詠舞蹈以夜繼日沉湎濡首此流俗
之縱逸于驕奢者也膏肓泉石痼疾煙霞或釣于水或採于山賦
考槃之歌享肥遯之利此幽人之隱逸適乎性情者也不降其志
不辱其躬非其君不事非其友不交此則孔子所謂逸民者

下此一等若嚴光周黨之徒皆是焉今儻鄉羊高德邵其于流俗
之逸吾知其不為也久矣若夫不降不辱處士其可序于逸民之
列與儻鄉愀然曰某野人也惡乎逸民之敢當予既而笑曰我知
之矣予嘗造儻鄉之庭一室中虛有高弗樞匪雕匪飾君子攸
居逸吾身也俯坐有席縱吾目也通明有疏左列書史右置酒壺
殆將延二仲于竹下招六逸於淮陽肆志于文辭放歌于樂章鉤
三乎如振洪鐘以警曠也爛三乎若炫明珠以發矚也然則處士名
齊之義真能稱情于文章家者也雖然文章莫不佚矣使處
士有田可以供伏臘有居可以適履息逸則逸矣吾恐厥後之若
子若孫不知前人名齊之義或流于放逸不檢不幾於晏安耽毒
乎尚戒之曰易戒冥豫書謹無逸天曰毋始勤而終逸聖人誨三垂訓
寧不凜然可畏焉處士喜而謝曰君子之愛人不以頌且規我後
於無窮也請書之以為記

草軒記

草生天壤間為至微之物其載于書歌于詩禠出於古今騷人之詠
者君子或有取焉當堯之時有指佞草漢鄭康成有書帶草
謝靈運夢池塘生春草至周濂溪先生謂其有自家意思
今日仲儀以草名軒將取義于此矣抑他有所取歟仲儀曰
不然予先世以藉于真定吾父嘗仕於前朝遂居于燕之社既
屋復挈家而南至淮安而占藉焉既而有司以人材舉于京

授以行人之命役滿調寶慶稅司官先人因就養卒獨奉母
而歸因讀孟東野雜將寸草心報得三春暉之句遂築軒
奉母以草名焉僕聞之而嘆曰孝哉仲儀之志也夫草之初
生也雷動風散則勾萌而甲折然非有日以煦之則柔者不
能勁弱者不能華矣子之於親也亦然其劬勞之恩非有父
母之拊我畜我顧我復我安能長養以成立耶東野春暉之喻
政以為人子者之勸也近世富家大室歌于斯者多以山川名
物花卉雲月顏其齋室不過吟咏壺觴以娛賓客之觀美而已
豈其有意于奉養哉間有稍知孝弟者以為具肥甘以飲食
可也從父母之好惡可也殊不知具肥甘之奉而或失于敬從

父母之好惡而不能幾諫非孝也立身揚名而外作威福非孝
也幹蠱肥家而內殉聲色非孝也或曲學以阿世或行險以
僥倖幽而貽祖宗之辱明而貽父母之憂其為不孝亦甚矣
哉必也敬以養其志和以溫其色致肥甘以養其氣肅視寒
煖以適其起居正心以閑邪脩身以制慾兢焉厲焉一舉
足而不忘乎父母一出言而不忘乎父母至于流離顛沛之
頃常若吾父母之在目夫然後如曾參之兩全樂正子之憂
色庶幾矣而猶未也若曰報親之恩詩不云乎欲報之德昊天
罔極記亦曰養可能也敬為難敬可能也久為難久可能也安
為難嗚呼此孝弟所以為天經地義聖門首揭其要示人為仁

之本焉然吾觀仲儀之作巡於連雲也其始末也身雖榮于祿
不見其母不樂也及一歲而迎其母而就養而仲儀之心始樂
矣於斯時也坐我母於草軒之上少者奉盤長者奉水兄執
爵弟執壺夫進饌于前婦相夫以脩內外之官或戲綵于膝
下或法歌于軒中其喜也融融其樂也泐泐使昏吏視之而革
其非心市人觀之而服其至行朋友聞之亦莫不起敬起孝
也而稱頌焉是則草軒之設豈世俗之吟咏壺觴以娛賓客
之觀美而已哉僕與仲儀為文字交微拙作已三斗矣僕屢
以老病辭今其秩滿將行行情不能已強贅燕辭以致別仲儀
憮然曰先生規我之言得之矣請書以為記

水雲軒記

石溪之上有蘭若曰寂照其主僧祖上人好與士大夫交嘗于
佛宇之西偏築軒一所四圍皆溪水環抱如束帶然窓戶明
潔几席脩整無藻飾之華有樸素之雅南則東林山屏於前
西則菁山諸峯羅列獻狀致爽氣于朝夕上人屢徵予文為
記予以老懶辭之不獲乃言曰水之與雲在易為坎山下出泉
其始也涓涓然若一線之微散而為百川瀦而為陂池汪洋濟泗
其明如鑑其淨如練浮者如雲壓者如穀躍者如鱗鬣振者
如鷺羽而其萬折必東之勢放乎溟渤達于江湖涵涵澍澍不舍
晝夜于以驗體道之不息有如此者雲之生也其始若膚寸

之微及其浮於太空英：揚揚進者如張孟軻者如垂衣或
侯如奇峰或矯如武士或結為鳥獸或散為枝葉倏焉而變
則變：變：布滿六合不崇朝而雨天下于以驗物理之變化
有如此者予嘗與上人憑軒而坐臨流而歌波光雲影徘徊
乎几席之上可濯可湘可怡可悅可以驗道體可以觀變化不
知樂之有會于心也然而上人者方以清淨六塵為明心見性
之本然當其禪觀之頃心與水一其寂也未嘗不照其照也
未嘗不寂其寂是身也如孤飛之雲初無滯礙法且無有
又何軒之云乎哉吾知上人明軒之意不過通假有借無之名
而已上人於是遽然悟躍然喜曰命之矣遂書以為水雲軒

張本

松菊軒記

洪武丙子秋歲當大比閩府二司以禮幣來吳興招予主鄉闈
撤棘之暇左叅議王公出松菊軒卷徵文為記予曰松之與菊幽
人處士之所宜有之公今受命來閩宣化方面詎容逃名於松
菊耶然松之生于山林也卓然之質蒼然之色沐雨露而不
加榮凌霜雪而不加瘁而其棟梁之材未嘗不存于歲寒之操
也菊之生于秋也皇：其華揚：其香而其風露之姿亦不為歲
晚而改其節也之二物者公以之名軒豈無深意焉况大江之南
而閩稱大藩庶物之繁夥錢糧之浩瀚盈于几案者文卷如山

積訴于庭下者庶務如蠅毛苟以有限之精神應無窮之事物
將見神昏氣竭心愈勞而治愈滯矣必也退食之頃休沐之
時游詠于琴書徜徉于花木使神清而氣明如鏡之燭物隨
照而賦形庖丁解牛遊刃有餘地其于設施之際豈不綽然
有餘裕哉而猶未也公方年富力強才全德備將見他日登庸
廟堂之上黼黻皇猷經綸大業致吾君于堯舜之壽考措斯
民於堯舜之時雍斯時也身享遐齡功成晚歲方將告老於朝
歸休釣游之所入室而問曰松菊得無恙否夫然後沐陶貞白
之清風咏晉處士之佳什前不讓香山九老之樂後無愧洛中
耆英之會使松菊有知意必曰明哲而歸者吾松菊之東道主
人也若然則名軒之意可謂成始成終者矣公笑曰命之矣請
書之為記

梅月雙清記

植物之清者莫有過乎梅鹿室之清者莫有過于月之二者之在天
地間謂之雙清是雙清者外境之兩勝也亦何與於人哉蓋自其
異而觀之所瞻吳越同也自其同乎人者言之凡觸之鼻觀而
生香得諸目見而成色可以豁胸襟寄傲者無不可攬而有之
也矧中三才者為人外是兩間之境而不吾與焉豈所為倫
萬物于我哉吳興耕隱處士信卿陳公雅性修潔庭之外植梅
焉當其兔魄東升月色澄霽之時但見疎影橫斜暗香浮

動中庭無人四顧寂寥是梅是月而勝之外豈復有他境哉
方焚香讀易梅在月中與梅為清公在兩間肝腸肺腑渣滓
為之一消不知吾之為梅月乎梅月之為我乎梅月于是為
雙清會胸次為一境可玩而得之矣嗚呼公已矣不可復見矣
而舊時梅月同在也今其子原仁而復矣昔
洪武七年歲在甲寅秋八月望日著

○傳

金節婦傳

休寧金汝恭妻歆邑名儒周彥名之女名月幼聞詩書之訓
婉婉柔貞四德咸脩年二十歸于金氏奉舅姑以孝睦宗族

以和尤勤儉篤于女工歲時祭祀能相夫子以脩內外之官閭里
稱為賢婦越九年汝恭以事遠獄既而白直其枉歸途受疾
至鄉里而卒月躡踊號泣晝夜痛聲不絕聞者哀之汝恭卒
時有子纜教月且之嗣續其伯氏以己子曰翁婦者為之後
月撫之教之鍾愛如己出嘗曰汝家素業詩禮簪纓未替宜
早夜篤志于學無忘父祖之遺訓服闋不御綺紈不施粉黛
平居之奉淡如也或以其年盛姿容未衰乃微諷之曰汝貧
苦若此笑之予立將何恃耶月穎然怒曰我聞婦有三從之
道况夫者天也今夫所天惟當輔吾兒以綿金氏之祀禽獸
之行我不為也言者慚而退月美志行迨今三百一十甲子矣

始終無二焉花溪九十翁夢麟曰賢婦陰家人之道貞女勵
栢舟之節月居孀固守堅如金石其子又能述母之志使書
之彤管以永其令名金氏之後可謂節孝兩全矣嗚呼貞哉
○序

送歸安縣丞趙千頃序并詩

余今年老且病日甚加以暑熱如附火杜門偃蹇不入城府
者三四月昨之日姪子沈貞謁而言曰吾邑丞南海趙公滿
且代間避席官舍僦市屋以居行且有日矣伯父辱知于公
也甚厚可無言以贈之手予作而起曰嗟乎才之難得久矣
自吾邑之燬于兵也垂二十年于茲錢糧之重科徭之繁

戶口之富貧田畝之虛實使吏於是者非有循良之才則民
告病幾何不相胥而轉乎溝壑耶始趙公以儒者來丞吾
邑鋤強梁扶孤弱宣化於公堂請法於閭閻雍々然有
循良之風吾甚慕也未幾而河東雅侯以進士來作尹
尹以剛正斷于上坐以愷悌懷于下同寅協和教化流行
使向之告病者如寒得裘渴得飲民亦化可小康矣雖
然余因是沒有說焉儒者不曰窮經將以致用也然而白
首窮經卒無一長之利於物者何哉非經之罪也吾之才
不足以展其用也昔為童子時每見鄉耆異之論政指
甲而言曰某也踈吏得以作威福又指乙而言曰某也黠

民無以措手足及其自試一官吏抱業于前民訴訟于下迫以簿書之期撻以公上之命則昏然而昏漫不知可否向之訛評者亦何異于木偶之笑土偶哉大抵時有古今事有難易設心有夷險賦才有優劣鳴琴之治可行於必不齊之時而不可則於後世哦松之政可行於崔斯立之時而不可責于今日苟泥於此而不通乎彼則刻舟求劍緣木求魚吾見其用力勞而卒無可觀者必也本之以忠信濟之以才力庶以守之智以辯之剛以斷之柔以懷之如此庶乎為政乎游及肯槩無難矣古人有言曰讀書萬卷不讀律致君堯舜終無術嗟乎才之難得也可與智者道難與俗人言也僕嘗與

諸生謁公于休暇之次公以僕齒稍長復與於斯文見必進之賓階啜茶談論悉出篇什無吝累：于珠璣鏗：于金石可謂声律之道與政通矣於其行予不能忘情焉於是命僕具舟楫崇酒于觴率子與姪追送城之東門外因叙以別然猶慮辭之不能達其意也重系之詩曰

吳興郡治山為城西縣角立如股肱歸安樓欄枕鷗汀
雙溪東流匯縣庭閭閻昔年燬于兵錢糧山出科徭并
瘡痕告病鳴不平仁人過之弗忍聽重離宣光王者興布
衣書客來作丞呼我父老集松庭恂：撫字於其情如彼執
熱濯以冰盤根錯節空峻嶒匣中利器新發矧有時休沐

溪光亭盡簪蓬掖未蒸：高歌風雅使我聽金春玉應
彭錦嗟哉歲月如流星東書考績將朝京甘棠橋東水
如迥荷花碍舟晉爾行沙頭我有酒一罌不如秦淮醴醪
清天風鴻鵠秋冥：仙人夜騎鳳皇翎帆如飛蓬爾勿停
金甌已覆先生名

寧壽堂序

浙江布政司左叅政武昌周侯以寧壽名其奉親之堂縉紳
大夫士咸為歌咏其事適余自吳興來校鄉試偶為之叙余
乃為之言曰天下之事足乎心而快乎已者常不能相兼故
洪範以富壽康寧攸好德而為福老病有孤舟者壽矣而
康寧有所不足焉九十行帶索者壽而康寧矣而奉養有
所不給焉此福之所以難全也周侯起家詩書官達

天朝由小司寇出奉大清佐方伯之榮秩三品之貴而大夫
人以耆艾之年享千鍾之養升堂朝夕緋衣金魚光照白髮
而耳聰目明四體強健子孫扶携板輿羅列先後所謂壽富
康寧於是乎脩矣然所以致此者則由積行累德篤生賢子而
其壽富康寧皆攸好德之所致也若余也犬馬之年九十有二雖
未至溘先朝露而二子相繼早世孑然孤孫耕鑿以相養
視周夫人侯之尊則五福有備不備之殊矣焉得不欣乎
夫周氏而願執筆以叙其傳乎抑余聞之記曰養可能也

敬為難敬可能也安為難請為周侯誦之是為序

浙江己卯科鄉試錄序

聖天子御極之年大興文治以新天下之耳目凡郡邑習經史家與夫巖穴之士莫不裒然願自試於時乃今歲當比士浙江布政司布政王公鈍等與憲府諸府公會議遵聖朝科舉舊制遣郡生員齎幣歷吳越甌閩之境敦請老成儒士同司文衡專掌試事則有叅政趙公班監試則有僉憲王公玘張公藝防禁有法待遇有禮凡在職者莫不恪恭乃事罔有疎漏于時合十一郡來試之士三百九十二人文字合格者六十四名撤棘之日諸生顯：昂：如金如玉自設科以來

未有若是其嚴且盛者也詎非聖天子大興文治之效歟有司請刊試錄以勸方來俾予為序予老矣辭不獲已竊以諸儒生天地間立身以忠孝為本事君不能盡忠非人臣也事親不能盡孝非人子也諸君子於茲盛舉策名賢書行將備計春官對揚天子之休命使他日登庸廟堂則能以直道事君黼黻皇猷而不致有庸：碌：由學阿世之譏次而出守郡邑則能砥礪名節公勤清慎而不致有尸位素餐蠹政虐民之誚庶幾下不負平日所學上足以副天子教養之意予言僭妄尚勉之哉

祭文

祭韓豫齋先生文

嗚呼先生之生于世七十有六年矣孝友型于閭門文學超乎
士類家世出于簪纓名聲播乎州里威儀秩々冠裳濟濟見
幾明決一命即止厭錢塘之繁華遂徜徉乎苕里先生有
庄于璉之市有書可讀有田可治或傍花而賦詩或好賓而設
醴竟怡情乎丘園等軒冕于敝屣何時序之孔艱喪罹亂
之勿已身雖處乎困窮色不形于憂喜嗟我繼父與公交
處金蘭之情如兄如弟余年十五拜公旅次飲食教我親若
姪子歷五十年終弗携貳前年之秋歲星勿利云胡一疾公
竟不起日居月諸朋賻莫致嗚呼哀哉歲既草矣霜素風

厲龜藏龍蟄蘭蓋霍靡哲人云亡士林凋翹遂令吾徒子
無倚嗚呼哀哉人誰無死公葬于斯蔚乎其文章藹乎其
仁義矧馳譽乎丹青具有光于茲世此先生之死可以冥目而
無愧也重為之言曰苕之水非不清且泚兮不如杭之水先生
釣遊之所也苕之山非不秀且崇兮不如杭之山先公有故封
也璉之土非不衍且沃兮不如湖山之土若堂而若斧也璉
之宅非不美且潭兮不如湖山之宅可以安魂魄而避世故
也日吉辰良蕤歌在石一觴苦度有泪如雨

祭集賢待制趙公文

嗚呼國有老成鄉有耆英家有父母人有友朋所此世教之

所聞人心之所憑也吁嗟我公世居吳興宋室之裔士林之
禎早送先公侍衛掖庭逆乘五馬駕風鞭霆長松積雪下
生茯苓白澗悠々餘波不冰公之終歲馳譽丹青人爭購
之戶屨如星乙未之歲被召宸京拜命集賢光寵迭承既
而告老歸心飛騰航海南歸離憂始寧公曰且休菟裘
是嘗視彼軒裳如蟬翼輕有竹猗々有花盈々以宴親友
以酌兒觥而吾繼父與公同庚歷四十年若親弟兄故我事
公以叔父稱公亦任我稱而不名通家三世一譽不萌免
絲女雍益重姻盟去歲我母弗永餘齡公哭之哀賜賻
交并所謂一死一生乃見交情胡為起居之報予悲其猶
未能今夏六月朔在庚寅我夢見公衣冠如生公曰我死語
音若明予抱仲子號眺而驚既覺而疑有泪如漚起告妻子
吾心弗平越有五日聞訃于評乃知見夢實公之靈嗚呼哀
哉公勿興矣士林衣冠日凋零矣朝廷咨詢失典型矣鄉閭
月旦誰司評矣吾徒小子無所取徵此公之死所以有闕乎
世教下有感乎人情也所可幸者公之伯子如噦々之鳳時候
朝陽而鳴阿閣矣公之仲子如振々之麟已出郊教而瑞明廷
矣又以見衛魏國世家之有後為南表文獻之榮也有儼斯膺
在寧有酒斯清在經閭閭一奠以訴私情

我與仲奇素同鄉里家世相知名聲相倚我居花溪業工
文史公居欣滙農桑自治公之天性閨門孝弟公之盛德忠
厚無偽有女多賢有子知禮擇婿克家寔與李氏而我
弱女贅公仲子誕生外孫七歲強記眉目揚清維祖之訓公
每見之且羨且喜頻年以來徭役如蝟鄉隣親戚十室九弊我
知火化殊不經意公獨憂之疾作五內今冬臘月歲星不利
吾叔委順公亦昂起豈意兩翁相繼而逝嗚呼哀哉歲月
已矣親朋耆英存者能幾灌園老夫七十之紀四顧形影自
憐自慰如斯可憐寧不長喟仲春辛酉角爾衰事靈車瑤
丹旒旆率我外孫釀酒醑醴臨岐一觴以哭親鑿

○疏

上高皇帝疏

臣一介書生老耄廢學欽遇聖明御極致求賢圖治凡士有
尺寸必取而不棄故臣得廁於士列皆陛下養育之賜也洪
武二十年以來浙江布政司兩以禮幣招臣考鄉試洪武二十
三年十二月內欽承旨意蒙禮部遣人材以恩綽下頒徵臣
同考會試臣年老乏材難叨重選然以君命之重不敢有辭
即日赴布政取齊與同考諸儒明年正月乘驛舟同至京師
至三十日蒙儀禮司引見上位于奉天門下命賜早膳於西
閣門二月初八日奉旨入試院至二十日揭曉復命于禮部

次日謝恩於丹陛前陛下嘉之又給賞鈔六錠恩至涯也自
念為士登科甲為儒作者試官崇亦至矣陛下使臣得與
於恩榮之列臣非木石豈不知所自哉即時與同考諸儒拜
辭殿廷始歸浙江布政司呈繳文引乃聞族侄沈永并孫男
沈潮同翰官賦不合結交官軍干冒刑憲一同伏誅傳首鄉村
抄扎家私臣聞之驚懼無地况沈潮平昔不孝人所共知緣其稟
性昏濁教之不悛臣乃年老力不能制故臣雖始與之同籍終
則與之分居各爨幾二十年矣論其積惡死之已晚而其造
罪緣由臣在試院並不知之臣雖不知獲罪不敢逃也但臣
年八十有四妻年六十有三日暮西山之景有幾幸遇陛下
優老之日使臣之朽骨不致暴露他方而得首立于鄉土則
陛下天地之仁臣雖死為犬馬豈能報聖恩之萬一哉臣
本負罪者之祖不敢上干天聽然臣聞惟天陰臨下民之有
疾苦則必上呼皇天下呼父母而訴之者為其天人有感通
之理也故鄒陽下獄上書自活賈誼斥逐卒召宣室臣同
無昔人之賢而陛下之聖則超邁古之人君遠矣有君
如此臣不敢不敷露丹誠于宸衷也臣今待罪於輦轂
之下干冒天威下情無任不勝悚懼之至

○書

竊聞人有疾痛則悲鳴焉呼號焉上呼皇天下呼父母者何也為其天人有感通之理父子有相通之情也向使呼天而天不應則天亦墮然一形止矣呼父母而不答則父母亦塗一人耳無乃不近人情耶伏惟尚書閣下策勲胄監揚名科甲抱王佐之才應儒林之望

聖天子以海內生齒之繁凶惡亦熾秋官之職必得長厚之士為之譬之諸稂莠不去則嘉禾不生故拜閣下為尚書之任聖意蓋有在也蓋尚書為天之喉舌民之司命自閣下登庸之後天下孰不曰楊公長者也今膺茲選則凶惡除而良善立矣昔年臯陶為士書有欽哉之訓張釋之為

廷尉天下無冤民今閣下能以

聖天子扶陽抑陰之心為心可謂上有聖君下有賢佐矣如旁鱗者學無所有行不加修年逾八旬氣息奄奄乃者欽蒙朝廷不遺兇園之賤得亮會闈考試官恩榮亦至矣自揭曉之後受賞還家不虞孫男作惡觸冒刑憲聞之驚懼無措未免聞訃赴京上書面奏蒙通政司即為奏聞欽承玉音若曰你既做試官年紀老了抄了人口家財都還他回去即時叩首丹墀伏闕謝恩蒙戶部送至應天府給引還家是以感洪恩而安堵者一年于茲矣今蒙刑按復行抄提即日涉江湖冒風雨舉家而來惟恐有後寔有望於大人君子也蓋高者

天聖君即天也愷悌君子民之父母尚書即父母也昔者之
來呼天而天無不應今者之來不呼父母而告之又誰之
告耶伏望閣下以
聖天子曲赦之恩哀愚生無告之苦不惜一援恩歸于上
德加于下者非獨鯁生之感激亦閣下當為之事也干冒
崇嚴下情無任不勝悚懼之至

○贊

楊彥英像贊

貌龐而恭神清而充文采彬々威儀顯々手持鐵如意
頭戴玉芙蓉馮閑情于綠綺振高步于雲松或吟風于
詩篇之表或玩世于酒杯之中衆嘉々而莫我知兮將歸
休手茗水之東賴月評之有在兮與子為鄉人之儒

宗

田仲儀像贊

烏帽我如朱衣襜如神完而清氣完而舒動容有威儀
步武鏘瓊琚望之者知其為中原之名宦即之者識其
為士林之吾徒志養乎草軒心遊乎帝都吁忠臣本
于孝子其田仲儀氏之人歟其田仲儀氏之人歟

○古樂府

青荷葉

天聖君即天也愷悌君子民之父母尚書即父母也昔者之
來呼天而天無不應今者之來不呼父母而告之又誰之
告耶伏望閣下以
聖天子曲赦之恩哀愚生無告之苦不惜一援恩歸于上
德加于下者非獨鮪生之感激亦閣下當為之事也干冒
崇嚴下情無任不勝悚懼之至

○贊

楊彥英像贊

貌龐而恭神清而充文采彬：威儀顯：手持鐵如意
頭戴玉芙蓉駕閑情于綠綺振高步于雲松或吟風于

詩篇之表或玩世于酒杯之中衆囂：而莫我知兮將歸
休手茗水之東籬月評之有在兮與子為鄉人之儒
宗

田仲儀像贊

烏帽我如朱衣襜如神完而清氣完而舒動容有威儀
步武鏘瓊瑤望之者知其為中原之名宦即之者識其
為士林之吾徒志養乎草軒心遊乎帝都吁忠臣本
于孝子其田仲儀氏之人歟其田仲儀氏之人歟

古樂府

青荷葉

亭二青荷葉托根水中央翠姿承雨露茄蒙散清香云何
屆溽暑未濯雲錦裳我將製衣為衣憐爾藕絲長絲長
終補衣心苦事君王縱使秋節至凋零亦何傷

姑惡詞

世傳婦因姑惡死于非命遂為此詞猶蜀魄之意也

東坡先生有姑惡詩

姑惡兮家嚴姑嘻兮家顛爾命自薄兮姑有何愆江鄉
春雨茹蒲綠日夜哀誰爾憐

楊柳花送月倫赤之河內縣監

楊柳花飄零落誰家南風顛狂即去急妾向江邊猶浣

紗凝情洗得江波綠漢家漫說黃金屋回頭江北隔江南妾
奉姑孀郎做官

雲霄鶴蘭趙季石

昂二雲霄鶴托身喬木林一朝焚其巢痛憤不能任西飛
過餘杭哀鳴有餘音公子鳳之雛求友乃其心招我山之
陽憇我堂之陰飲啄豈不好無奈樊籠禁維北有嘉樹
牖戶重二深願言借一枝逍遙散冲襟

前烏夜啼奉母避兵海昌和張養元韻

烏夜啼錢塘城頭楊柳衰東海飛啞二青海湄母兮前呼
子後隨風沙漠二日色薄難歆反哺將安歸烏夜啼兒寧

不悲

後烏夜啼盧墓南堂郭孝子朝夕相慰撫索賦此曲
東隣有老烏辛苦生二子：今毛羽乾母也忽已死衆誰
呼其群啄土聚成墳烏飛墳上柏哀號不堪聞君不見
沈家橋西郭家住有烏養子青松樹

閨門曲

骨肉恩愛切莫如弟與兄云何甫少壯離居事分爭銖
銖私貨財寸：限溝塍遂令妻孥間評語肆縱橫昔為
同胞親今為齊與秦昔為連理枝今為猶與薰葑言
思厥初有泪沾我纓君不見井東桃根被虫噬井西

青杏亦不結

綠水曲

郎心如水流一去不復收妾心如水綠可照不可流倚門日：
望郎歸桑柘成陰無寸絲

鳩燕詞

雄鳩一何巧飲啄四顧常不飽燕子一何拙結果茅簷子
可撥巧者翻身被網羅拙者雌雄自相誦君不見世間禍
福常于變林下雄鳩堂上燕

靈鳳吟

金陵差我兮真南極上有高堂兮去天咫尺鳳千年而

來征鏘和鸞于朝日有雛兮東飛華彩：兮落之涓曙烏
林兮爰止聊逍遙兮相依一鳴兮噦：豐宮輪與兮集我
衿佩再鳴兮協和宣聖化兮佐我絃歌嗟若之水兮滄：
匪體泉兮鳳不肯飲彼黍稷兮有萬斯億匪竹食兮鳳不
肯食曰枳棘不可以久棲兮終當和鳴球而憂擊彩翮兮高
翔乘瀨氣兮超陰陽睇上林之玉樹歛歸飛于帝鄉願飢雖
兮垂翼風雨漂搖兮悲鳴啾啾願追飛兮莫及俯仰寥廓
而太息

詠貧女和邵山人韻

西隣有貧女茅屋生秋風被服雖弗完生身在深重顏如
冰雪瑩心與金石通夜深援琴歌哀怨托絲桐雖云妾命
薄君子常固窮齊門本好竽汝瑟徒爾工浩：水赴壑英：
雲度空九疑路盤紆款往疇相從願悲瑛：淚洒向萬叢
節

詠貧士用前韻

東隣有貧士竊慕夷齊風采薇武樂飢烏有異味重念昔
耽文史名忝桂藉通一朝事乖忤如棄爨下桐得非命之
愆豈曰吾道窮紛緯知秋節札：催女工出門催科急入
室杼袖空我老不能顧揮淚寧無送何如順大化策共
扶衰節

蓮房謠為韓蕭山作

清水生蓮花，落蓮結實金粉委。柔鬢綠蓬含新萌，郎
念蓮心苦買遺。新婦吃還知遊子衣，難將藕絲緝君不見
世間何物最關情。蓮房元自蓮根生，斑斑桑間雉雄雌相追隨
云何美少年三十尚無妻。所憂慰親老，薄言結婚好。落花飛過
鳳皇溪，上誰家新婦啼。

西湖房中為韓蕭山作

妾家住西湖門前，種宜男名花照綺羅。舉步春殘終然
無所託，飄忽二十三。夫子念夙好，百里遺芳緘。置妾坐中
閨，酣歌樂可湛。河水本東流，凱風吹自南。豈無潔已心，敢
效衆女貪。誓將事夫子，朝夕奉衣衾。入室星在戶，褰衣花滿簾。
從此至華髮，恩情諒無嫌。

竹枝曲

瓜皮小舟蓮葉泛，湘中風浪幾時休。明朝一船過，兩漿載奴
款：到湖州
縹絲繞罷婦，猶整兩足如霜。踏水車田家自有種田候，年年
只看冬青花。

練溪女兒美如玉，買棕結帽衣食足。近來却嫌藤價高，日暮
江頭斫桃竹。

棟花開時南風起，送郎南征渡江水。今秋若道郎不歸，樹頭

誰采金鈴子

戲效鮮卑敕勒歌咏種田父養蚕婦

種田父何辛苦身如索駝汗滴焦土秋風涼露為霜石
上坎：春黃糧 養蚕婦何辛苦首如飛蓬衣帶藍綾
蠶索：姑不樂縲絲不多妾命薄

○五言古詩

夏夜

暑雨晚初歇夜涼煩抱舒仰觀河漢高華星耿玉除况
茲月色佳亦足據槁梧心存氣愈清惡淡物自踈予懷不
可寫天游以為徒

讀東華集有感因次其韻

長庚不竟夜啓明不及晨抱經長嘆息永懷并大春
龍辭世寡
分因親情獨真東華有遺稿哀哉泉下人

甲衛列吳會湖江控滿壩當時入幕賓談兵如考鐘涉江邊
永訣幽偏閉重：人亡絃已絕揮泪吾誰從

候蛩自鳴秋荒雞自司晨神化本無為先民如登春如何百世
下天折戕吾真天道實好生哀我無令人

探珠漫涉海射隼徒乘壩風花事已非傷心景陽鐘飢鴻何
衰號長門隔深重之死天靡他願言佩之從

再用前韻題陳敏道壁

我昔遊天台於路逢劉晨劉晨挽我留且度桃花春別來陵谷遷
所見疑非真如何承平日有此遊世人
滄江帶吾席青山繚我塘我來吳門市屢聽寒山鐘美人在何地
西望烟波重白滙萬里遠去我誰送

慈感方丈白蓮

城居厭煩抱幽討適僧宇春蕊玉芙蓉開軒俯芳渚亭青霞
蓋皎白鷺羽仙掌襍露滋玉井明月吐微香隨風蕪清影凌
波舞根雖生淤泥花已敷淨土上人學佛者念吾與汝可人期
不來搔首空延佇日暮且歸與子懷在南浦

訪邵賢谷于大河兜寓舍

過大河兜吾地稱沃壤人烟稍集麻麥花長美人吳淞未
於焉輟吳榜舒龐德公泛陸魯望念君離羣久鼓柁每獨
往烹鮮荷厚意置酒飲醇釀贈我處士冠素我蒼筤杖况茲
春服成河澌微風蕩人行綠樹中鳥泳清波上紅蕖散清馥
美竹生新爽悠然見真意宇宙一俯仰百年內能著幾
幾緇蒼黃迷長途老矣不可強浩歌斜川遊終當脫塵網

聽松

風從中林興遺響度虛壁琴奏笙簧謔洒襟席初疑天籟
鳴聲從耳根入哇淫一以洗神光夜生白斯言聽者稀晶爾歲
諸密

夢大風

大風入我夢，弊虛不支。吾舍中踰垣走，弱女寒吾裾，驚呼赴庭闈。母已出，除趨仰天，致祝辭，再拜神明，扶我屋。雖云壞，我母幸無虞。喜躍乃驚寤，始悲清夜徂。旦起候太卜，我心且躊躇。卜人云：吉占徵，以周公書泚筆記。茲夢斯言，豈予誣。

縣庠露坐偶成

赤日下西嶺，解衣沐蘭湯。沐餘試白苧，振策步回廊。漱齒井泉冽，掛巾喬木涼。仰觀星斗高，白頭被天光。嘲罵盡散消，冲襟歎飄揚。心存氣愈清，境空物自忘。所以陶靖節，終焉老柴桑。逝者諒如斯，歸休寧不愴。

夢母

吾母逝已遠，昨宵夢見之。光兮步西園，母也從東來。儀容若憔悴，鶴髮幾垂倉。忙趨膝下嬉，戲如平時。既坐即歎去，其行亦徐。前趨欲抱負，母去且扶危。吾弟送旁，未左右相夾持。母體素充廣，男力不覺衰。意謂久離別，今見心亦疑。行近中堂，既喜亦復悲。明月照東樓，淒風動房幃。瞿然忽驚覺，號咷泪交頤。

贈徐玉山

余中徐道士，終日啓玄關。鶉衣日百結，雀骨秋霜顏。朝駕青牛出，暮騎白鳳還。彈劍咽鯨海，掀髯拂狼山。問事竟不答，長

嘯天地間

贈棲雲觀王瀛洲

江水日夜綠長淮如玉龍仙：一羽士棲居弱流東賣藥街市
上或言是壺公步虛靈風集教水銀河通醉插碧桃花笑把
青芙蓉修忽不可見日照蓬萊宮

連雨閉門賦詩自遣

珠米不盈斗桂薪屢無煙一室如懸磬四壁風雨穿僕夫飢
欲去黃犬垂頭眼所需百無一妻女徒煩焚我方讀書罷
岸噴南風前仰觀雲悠：俯瞰泉涓：逍遙大化中聊以全
吾天

狼山

狼山瞰大江北望烟一點登舟我將濟稍覺神情敵舟師平
明起伐鼓声坎：乾坤忽混合上下同激盪斯須南風順揚
帆疾如撥江回日脚走仍慮坎窞險洲接試長竿逆運次
兩崦齒：龍或噓確：鴻初遠兩崖水瀧：一塔雲丹：丹光
山鬼護肩黛江妃染自送白狼去比歲遭多險公家疏漕河
無乃民力憊我將作險語時危慮窳眩回眺通州城忽：日
已晚

通州

城門何重：云是南通州周回舊匡郭屈曲新增修昔為魚

鹽市中外人民稠厥今扼要衝水陸共經由商賈聚百貨牛羊散
千頭自非州佐賢何以免誅求桓李樞府于焉驍獍寒日
擊刁斗青霜拂曉聲嗚笳敵胆落吹角梅花愁狼山雲氣清
淮水日夜流天意諒有在兵戈已宜休我願車同軌仍為子長
游南地漫故道吹蕭上揚州

余中

明詩綜選

余中瀕海門望二斤園地居民多四散共享年盆利昔人生厲階
于此置官吏推鹽限程期立策策爭鞭蠶烟飛朱火騰海立銀
濤滂澆沙鉛泪凝推甕瓊英碎天高歲氣崢嶸草白北風厲玄
雲閉萬竈積雪照千里陸翰車軋水運舟尾雖云國課集

民力已凋瘁寒馱歷亭場攬籌察地理大江繞長淮殺氣寒
巖巖增科苟不息禍亂恐未已吾將扣閭閻叩憫訴微意狂
言倘欺君薄命有如水

東臯圖

天回見龍角始雷發東隅勾萌與甲折品彙一以舒條風送
東來靈雨亦沾濡嚶黃鳥鳴逐雄鳩呼但人思舉趾朝
出東臯鋤且鋤且復耕種苗根欲踈苗生慎勿握傾榼休吾
助仰觀雲英有鶴翔天衢俯瞰泉涓有魚泳清渠物性各
有適吾生豈無知所以陶靖節舒嘯常于既去垂化歸世利
烏可拘優哉高夫子樂此東臯圖

餘杭高氏徵予作問月樓操琴所聽泉亭觀瀾軒四詩
華月出天表清光照萬樓迢迢樓上人酣歌延素秋上探清虛
窟下竭黃金流徘徊復徘徊問閣風琴琴何當駕飛鸞與子為
天遊

高子志大雅結廬弦素琴遺音妙難測中含造化心吁嗟韶濩
遠新聲日哇淫縹緲高風翔衆鳥徒繁音撫几三嘆息誰鑄鐘
期金

必彼山中泉朝夕鳴琮琤幽人息慮坐聆此水樂聲浩昭文琴
冷文娟望谷風通遺響音鏘若鈞天鳴浩歌幽澗泉予懷在
斯亭

宣尼善稱水川上揭微言卓哉孟軻氏觀瀾沂其源道體諒不
息聖功浩無端所以軒中客游心水之端願言樹明德朝夕相
勉旃

李判簿以鹽糧至理市相見後為古詩奉寄

縣簿出東市老夫遠相尋再拜接名言如聆鸞鳳音徵求
匪我私撫字乃其心淪茗啜我飲賦詩令我吟道合情話浹
如蘭亦如金告別徒步歸茅屋日已沉驅馳亦何事有酒
聊自斟折筍風簌鳴渠雨冷詰旦期再候東望溪流
深

青天夜漫：黃河日湯：天高與河廣，妾恨何時忘。慕砧作
曹子易，望妾在旁，手懷黃口，雖哀號赴河陽，結廬在墓
門松栢，忽成行。吳淞連甲第，維南有姑嫜。夫亡妾不歸，其
如倚門望，駕言遠南邊。登堂裂肝腸，滄漚具甘旨。頻驚薦
蒸嘗，予以訓孤兒。念彼歲月荒，悲風吹我帷。寒月燭我房，魂
來諒有知。妾身如未亡，昔憂顏如花。茲欣髮已黃，生為穉家
婦，死為穉家孀。朝廷旌吾門，何以答彼蒼。願言保吾志，子
孫世其昌。

楊原英招飲和壁間韻

黃塵喧市衢，利析秋毫末。於焉有佳士，冲抱吐華月。桐竹清
風動，揮杯紈扇歌。感子意勤倦，老我慙蹇劣。
夕陽下林杪，清颺起蘋末。披襟歌既醉，坐待東生月。翻：歸
翮盡稍：玄蟬歇，因之成雅言。非輕較復劣。

車叔明凝清軒燕集

西軒敞深靚，花竹傑分列。丹杏始勻晴，芳梅已飄雪。于焉
有佳士，冲抱湛華月。方欣文字交，復此杯觴接。盃：篆烟
散馥：蘭佩結，氣澄塵慮遣。道符情話，惟起坐歌既醉。
再拜窈窕撤，緬懷章左司。遺響殊未輟，偶因成雅言。贈
子以為別。

送烏程縣丞秦曼卿

秦丞燕趙士夙稟魁梧質憶昔來吳興典教分冷席維時承
平久城郭煥丹碧捲簾白澗波開戶青山色朱門日烹羊青
樓夜吹笛秦也善與交宴款無虛日而我偶相見傾蓋如夙
昔扁舟花溪道送此來往密丙申遭喪亂鄉井兵戡擊家
東海頭秦也未告糴飄零全吾辛檢括盡狼藉歸未田
園荒家徒四壁立明年事稍定官府各分職詔許專封拜
仕者紛出秦也素木疆秉心葵傾日掉頭花溪東弗肯
祿其食吾廬得數過每到排闥入朝盤遠我飯夜枕據我
簞有衣許更穿有酒喚同喫宗族或序飲班坐皆弟姪非
徒膝膠堅實藉手足力通家二十年毫髮無嫌隙前朝既

板蕩重瞳展南極鶴書授遺士府檄到蓬華匍匐入城府同舟
赴京國布衣見天子綸音荷存卹僕因老且病賜歸深感激
銓曹重身言取士用唐律秦也好人品拔擢超常格一命倅
星源未覺恩袍窄此州文明地朱子有故宅閭君善為政沾丐
先賢澤再調未烏程喜若歸鄉邑父老爭歡迎朋友慶良
覲栽花近百里讀律守三尺政無哦松迂性有采詩癖不
沾赫名已種實德同列能周旋大府總稱述茲辰反
瓜代駕言赴考績長江路千里秋天水一色秦也不可符日
短風帆急春臺鳳皇鳴夜傍白鷺集瀟去書上考承恩定
增秩嗟我久衰朽不可遠行役孺塘徐穉舟東山謝公屐

送君過此地高風詎能及
采蘋表中素買蓮剝新蒨何以
寫別離有酒甜如蜜
長途政秋暑子去好將息
今夜故鄉情明日天上客

舟出碧浪湖望橫山有作寄烏程令

揚舠出南郭迎風碧浪生
白鷗鏡中渡青山溪上橫
頰抱頓消散鄙吝無萌
由緬懷孫令且結交有真情

嬾雲軒

白雲何矣：變化不可期
朝從飛龍去暮與白鶴歸
作霖施已溥逍遙因其宜
出壑弄清旭入林含夕霏
聚散有常理舒卷無定姿
悠：諒何止稍：堪自怡
所以軒中客習嬾常似之

嗟我倦行過歸休玩天倪
願持一樽酒歌此停雲詩

蘭蕙圖

有美一拳石形色何鼎
巒芳蘭產其陽被以龍光
蕙清風濯紫莖穠露出
瓊蕊猗：鹿綠豔揚：散芳
氣咏之入絃歌紉之稱余
佩雖云襟荆棘玉質終不
毀披圖成雅言庶以慰同志

橘隱

幽人好嘉樹移根河之洲
朝夕灌漑之綠腴夏隱稠
素榮散清馥玉質含涼秋
微霜一以降文章爛千頭
剝膚善療疾醱泉消百憂
所以巴陵人以比千戶侯
吁嗟葉處士逃名

輒溪幽爵祿不入心吾生諒無尤彩服趨庭酒壺叙朋儔道
遙橘中樂豈為衣食謀老夫請作頌歲晚同淹留

題扇贈義門鄭叔致

層巒擁青螺群木結翠葆英、白雲生滄、玉氣繞烟村莽
屋虛蘿迳人踪少石梁有來客巾屨何皎、得非浣花翁適
彼求鄭老故人諒不拒歲月我已耄丹青寫此意豈曰便面小
因之請奉揚清風散冲抱

葵軒

種葵庭階下雨露滋其榮脩莖擢翠羽餘霞麗錦英煌
煌班衣並炯、丹心傾忠孝萃一門庶慰君子情

送長興王珪章縣丞

容送長興來相見好顏色方欣樂新知遽別中心惻君子何草
草駕言赴考績金陵舊都會山川控南國、來樓凌紫霞石
城含玉質、靈鳳鳴矯、白鷺集于去書上考承恩定增
秩煌、珠還浦灼、花滿邑相期早歸來朋酒馨良覲

松雲軒

蒼松架絕壑茅屋敞高丘急雨打窓過白雲如水流童奴
趨石上賓主坐泉頭看道歌招隱吾當與之儔

息齋竹

薊丘李崇祿好寫珊瑚枝丹穴鳳初下墨池雲起時裂

素風瑟々展卷秋離々妙手不再作令人起遐思
蟄雷起林谷石根稚子萌解擇粉香濕捫玉清風生頭角
未盡完琅玕已崢嶸願持吾節心永結君子盟

溫故齋

周孔去我遠法言具方策至道浩無邊君子貴多識致々
習舊聞稍々有心得雖云涸涸功亦在格致力心融理自明志
一慙自釋歸未有餘師曾解韓孟惑勗哉佩先訓終歸聖賢
域

存誠齋

玄聖贊大易存誠揭微言子思述孔業造道其天淵下逮程
朱氏析理猶精研魏々作聖功仰之鑽彌堅先哲亦指敬後覓
當開先軫々當自強存々宜靜專執得或二三從彼虛妄牽
靈臺日已昏望道亦茫然所貴主一功慢々慎無愆卓哉
存誠訓朝夕相勉旃

望魯亭

尼丘鬱叢々魯城奠中土我家居其陽有亭父之所亭前花木
榮亭下兒女序吾親諒康寧予焉日容與嗟予作甫子定
省遠燕處前年拜君恩受命未闔府驅車駕嚴程憑軾屢
回顧親恩同將酌王事亦靡監飄々天風發渺々白雲度兕身
在南閩兕旁在東魯自慚居處崇綿力竟何補忠孝無兩全

予懷洞如雨

卻饋獐

淮鄉重冬至亭民饋楚獐關西畏四知長官何敢嘗爾獐速
持還此禮毋再當食肉我所鄙食菜士之常雪落蔡人破
天高北風涼阿童折梅花為我把一觴

騷體

采苓子

此騷體

宜居古
樂府前

先生自號太史景濂宋公既為之傳詳其事諸大夫士又
著為詩文以歌咏之宮商交作金春玉應連采苓子之名
逃名而我隨矣雖然詩之采苓乃甘草也甘草可和百藥
而不能延年若先生之采苓乃茯苓也本草謂松脂入地

千年化為茯苓服之可以長生僕因相送之久密扣先生采苓
之說而盡得其秘歲暮將歸輒效橘頌一章以謝之

瞻彼青松鬱蔚林莽兮輪囷削劣托根同兮上生兔絲如柀

黍兮下生琥珀如絳炬兮爰有君子鄭仲父兮鴛爾考義

藐圭組兮采苓九藍節獨苦兮有鑄有鏡跑厥土兮調以

玉杵碎鍾乳兮載采其花黃雪雨兮載割其脂金膏澍

兮或蒸為梁飢可茹兮或釀以酒酌可取矣匪資金石媿

龍虎兮豈惟延年可輕舉兮我睇金華有仙侶兮於焉服

食牧羣豸兮避我玉音不可覩兮既為鄭子壑中素兮我師

其術百疾除兮式通其靈如筏渡兮雀鳴于天風乎舞兮

予懷洞如雨

卻饋獐

淮鄉重冬至亭民饋獐關西畏四知長官何敢嘗爾獐速
持還此禮毋再當食肉我所鄙食菜士之常雪落蔡人破
天高北風涼阿童折梅花為我把一觴

騷體

采苓子

此騷體

宜居古樂府前

先生自號太史景濂宋公既為之傳詳其事諸大夫士又
著為詩文以歌咏之宮商交作金春玉應使采苓子之名
逃名而我隨矣雖然詩之采苓乃甘草也甘草可和百藥
而不能延年若先生之采苓乃茯苓也本草謂松脂入地

伏苓服之可以長生僕因相送之久密扣先生采苓
河其秘歲暮將歸輒效摘頌一章以謝之

瞻彼青松樹討林莽兮翰園削劣托根同兮上生兔絲如柀
黍兮下生琥珀如絳炬兮爰有君子鄭仲父兮篤爾考義
藐圭組兮采苓九藍節獨苦兮有鑄有鏡跑厥土兮調以
玉杵碎鍾乳兮載采其花黃雪雨兮載割其脂金膏澍
兮或蒸為梁飢可茹兮或釀以酒酌可取矣匪資金石媾
龍虎兮豈惟延年可輕舉兮我睇金華有仙侶兮於焉服
食牧羣矜兮避我玉音不可覩兮既為鄭子壘中素兮我師
其術百疾除兮式通其靈如筏渡兮雀鳴于天風乎舞兮

駕言上征子祖兮載采其苓吾與汝兮負之而去如一日
兮太虛冥冥吾不知其所兮

○五言律詩

鄞江漁舍

東望鄞江曲西連鑑水波登臨思往昔歲月嘆消磨
潮落紅魚出沙明白鳥過漁郎有芴屋客至把青荷

野航

一室淨無塵門通畫舫鄰若分鷗鷺席能受西三人
江水綠溪花岸春杜陵貧佛日隨意賦詩頻

雙溪漁隱

茗雪一浮家全勝奉使槎攤書蓬下讀沽酒店頭賒魚上苑
如雪鷗行水露沙風流有如此官課不須嗟

滄浪漁笛為趙縣丞

鷗鳥雙溪水荷花百頃陂自公休暇日之子釣遊時烟雨孤舟
弄乾坤一笛吹曲中無限思誰和倚樓詩

為杜玄德題韓介玉山水小景

每愛韓生畫清溫似魏公羣峯開錦綉一木對襟青
剎岡頭見漁舟谷口通徵君草堂裡絕似浣花紅翁

分來字韻送劉用章郎中入越

丞相存吾道司徒得俊才論兵煩入幕作賦好登樓

鑑曲黃冠畫蘭亭白髮衰吳中花滿眼別後望重來

雙鍾乃山名也刑曹祿索賦

鍾阜玉氣盈晴窓檢白雲螺髻相對立眉黛忽平分學
記時：讀書聲夜、聞匡廬歲息處李白最能文

四薌圖

奈爾四花何王孫筆意多騷人歌結珮仙子詠凌波白吐
珠璣蕾香浮雨露柯頻頻采詩者載酒屢相過

寄沈文忠

與子五年別其如契濶何停雲猶昨夢伐木每長歌老
景西飛日新愁東逝波花溪茆屋在無惜遠相通

題山水小幅

虛閣俯漣漪朱樓入翠微石根群樹合谷口一僧歸瀑布晴
猶落油雲濕不飛細看圖畫裏不覺竟斜暉

送沈淵赴閩清縣令

相見還相別能無酒一壺青驄初息駕赤縣天飛鳧荔子
枝頭熟鶯聲葉底呼到官煩問政無惜苦勤劬

雪室

林下凍雲垂天花拂鬢絲夢回疑不夜窓白已多時作賦工
無益安心請勿疑維摩虛席久吾欲賦襟期

○五言長律

乙酉三月以疾假榻九曜寺喜文忠隨至因成五言十
韻題壁間

瘧鬼雷驚去登音雨送來坐深煩問粥力疾不勝杯已借
高樓卧徐看落照開厨烟頻煮筍山果欲肥梅風景那堪
說干戈亦未衰紅巾春爛熳白骨昼崔嵬賤子哀我道諸
公諫相才看雲從坐起顧影久徘徊憂國同誰哭思家每
獨哀請看忠穆傳與爾肺腑推

輓玩雲道人二十韻

茗雲稱多士鄉閭見吉人故家遺曲禮喬木抗風塵拔萃
髯如戟鬚光目有神真衰頰繼述經史足紛綸未展搏

風翼先騰縱壑鱗桐廬施設好樞府贊襄頻語往徒勞
瘁懷歸遂隱淪種田將學圃去國倍思尊有子能勞事
趨庭善悅親未論金駟裏豈是石麒麟性嗜階前雀
清怡席上珍玩雲詩奪錦好客酒傾銀屋約歸吾老
俄驚邁爾速歲星秋冷子鬼物夜呼賓勲業歸黃土
文章勒翠珉傷哉青眼少已失白頭新憶昨通家舊
居常與爾論繁華同是夢潦倒可憐春世態輕三益
天常重五倫作詩成永別嗚咽泪沾巾

輓表門鄭伯陽先生二十韻

山入金華郡星分婺女墟白麟溪上出黃耇此中居天

叙先吾老人家人慎厥初睦宗書百忍教子足三餘棣萼
榮蘭椿荆花拂板輿高早有橋梓孝義表門閭老我曾
觀禮多君不棄樗登階頌倒屣當容荷幸祐聖饋庖多
肉長歌食有魚開園摘新橘會食薦嘉蔬盪吹慚吾道
懷歸憶敝廬囊金渾盡瓶粟已無儲指原頌推已封囊
遠致予哀矜情已至感激我非虛跋涉山川隔淒涼歲月餘
十年成契濶千里斷音書白露三秋杪黃花九月初忽
聞華表雀已化夢中胥往吊舟箴壑徒行石有碣臨
岐渾老泪三嘆九踟躕

寄海門計平仲縣尹

同是科名客衰年領薦書君今跨虎歸吾獨困鹽車
龜火冬猶熾軍需日不虛艱難摠如此東望一長吁

樂安草堂為錢塘孫孟博賦

人生百年內流景如過隙胡為不自悟反受象形役優哉孫
處士明決介于石結屋俯長溪濯纓謝塵跡釀秫養真性
種樹咏諸德心清百憂散熱淡衆喧息况有二子賢志養
能竭力常恐怠心萌繪采警朝夕逍遙大化內情義歲諸
密亦以居之安其樂諒有德請君歌此詩大書具堂壁

○七言古詩

代歸安縣官謝陸大本同知祈雨有感

叙先吾老家入慎厥初睦宗書百忍教子足三餘棣萼
榮蘭樟荆花拂板輿高早有橋梓孝義表門閭老我曾
觀禮多君不棄樗登階頌倒屣當客荷幸禧聖饋庖多
肉長歌食有魚開園摘新橘會食薦嘉蔬濫吹慚吾道
懷歸憶敝廬囊全渾 盡瓶粟已無儲指廩頌推已封囊
遠致予哀矜情已至感激我非虛跋涉山川隔淒涼歲月餘
十年成契濶千里斷音書白露三秋杪黃花九月初忽
聞華表雀已化夢中昏往吊舟箴壑徒行石有碣臨
岐揮老泪三嘆九踟躕

寄海門計平仲縣尹

同是科名客衰年領薦書
猶熾軍需日不虛艱難總如此東望一長吁

樂安草堂為錢塘孫孟博賦

人生百年內流景如過隙胡為不自悟反受衆形役優哉孫
處士明決介于石結屋俯長溪濯纓謝塵跡釀秫養真性
種樹咏諸德心清百憂散慈淡衆喧息况有二子賢志養
能竭力常恐怠心萌繪采警朝夕逍遙大化內情義歲諸
密亦以居之安其樂諒有德請君歌此詩大書具堂壁

○七言古詩

代歸安縣官謝陸大本同知祈雨有感

叙先吾老家入慎厥初睦宗書百忍教子足三餘棣萼
榮蘭椿荆花拂板輿高早有橋梓孝義表門閭老我曾
觀禮多君不棄樗登階頌倒屣留客荷牽裾亟饋庖多
內長歌食有魚開園摘新橘會食蒿嘉蔬濫吹慚吾道
懷歸憶敝廬囊金渾盡瓶粟已無儲指原頌推已封囊
遠致予哀矜情已至感激我非虛跋涉山川隔淒涼歲月餘
十年成契濶千里斷音書白露三秋杪黃花九月初忽
聞華表雀已化夢中胥往吊舟巖壑徒行石有碣臨
岐渾老泪三嘆九踟躕

寄海門計平仲縣尹

同是科名客衰年領薦書

猶熾軍需日不虛艱難摠如此東望一長吁

樂安草堂為錢塘孫孟博賦

人生百年內流景如過隙胡為不自悟反受衆形役優哉孫
處士明決介于石結屋俯長溪濯纓謝塵跡釀秫養真性
種樹咏諸德心清百憂散慈淡衆喧息况有二子賢志養
能竭力常恐怠心萌繪采警朝夕逍遙大化內情義歲諸
密亦以居之安其樂諒有德請君歌此詩大書具堂壁

○七言古詩

代歸安縣官謝陸大本同知祈雨有感

陽鳥飛空烈秋暑高田下田歎焦土老農呼天有司懼官曹
齊沐請甘澍維皇赫二乃弗許吳興通守前杜父去年掉
頭脫圭組黃冠束髮眉目豎掀髯長嘯隘寰宇朝騎白
雀秋一羽自言辟穀神仙侶能為皇家作霖雨右相憂民心
獨苦願禱圓靈雨多稔我侯承命若輕舉夜朝魁星叩天
鼓啖噴清冷勅雷部六丁呵護真宰訴醉鞭平龍聽吾
語叱咤六合生烟霧電光夜掣黃金縷雷公怒揮霹靂
斧洞庭雨脚翻銀浦天花一夜生禾黍野人不識陸明府相
持牛酒謝田祖甘棠橋東水爭赴侯之愛載行路邑司
駿奔喜歌舞三軍歡呼洗兵馬作詩紀功誰敢侮

祖庭索喜雨長句

吳地今年小麥熟量收十倍釜鐘足家一作磨穀春雷雪
花飛滿田間塵雜時冬青花盛開如何梅雨望不來
繡隆蟲：氣如炙坐見溝洫生塵埃皇天一念種田苦夜
勅龍公降甘澍灑：雨脚急如注斯須平地成沮洳阿童
報我農人語夜來溪漲添尺五白泥泛：美玉羽老魚跳
波潛蛟舞插秧盈疇爭快覩饁彼酒漿勞田父彼蒼者
天雨多稔蠢爾蟲賊誰敢侮我方作客水雲軒囊中自笑
乏酒錢請師速為沽一斗憑軒歌此喜雨篇

白麟溪頭鄭義門
螽斯麟趾何說
：中有三人同胞親白頭
孝友敦天倫
伯兄頑然七尺身
皎如野雀起雞羣
山中宰相天所賚
豕門標棟渠為尊
仲弟夙稟風神秀
手拂長髯曳長袖
逍遙林下采松花
釀得春醪為兄壽
季也溫恭美如玉
官樣文章尺度足
經筵進講沐天香
詞林掌制連燭萬里新
從燕趙歸弟兄共看山人衣
有序堂中拜家慶
棣花軒內生光輝
松根如子身
曲局燒竹煎茶
啜山淥阿兄寄傲據牀坐
二弟隨行足容躡香山
九老不專美洛下耆英
如在目吳興画手稱絕倫
靜也趙家之外孫
涉江奉母亦勞悴
貌得孝義如其人
老夫與鄭交有道
愛爾丹青寫來好
吁嗟此圖闕世教
如同如陵多壽考
吾亦低頭頌三老

贈日者金先生

金先生八十二
黃髮風飄蕭
雀骨秋嶺巖
賣卜漁浦上
吉函不虛設
談門開東市
來屐滿簾垂
落日先生酣我
送浦江
回緇塵滿衣衫
東家不相識
先生息吾擔
烏酒分黃柑
敷我床
簞我冠
陶然一覺睡
夢繞江之南
雞既鳴天
歌曙金先生
我別去
行人報道江
舟開出門日
上梅花樹

金人出獵圖

燕然山前沙草黃天垂四野秋風涼當時金人意氣揚馬
上為家方矢強中原鹿走秦之失臂鷹牽犬爭先得風
毛雨血洒穹廬殺氣騰日無色憶昔經界分中邊百
年化為田園天祇今與地沒故步我願開荒種禾黍
千秋萬歲供王賦吁嗟諸君孰敢侮

舟回青州聞喪內

御河水逆灘聲吼客愁拍塞船如斗舟泊青州待計音
吾妻已入黃泉久同州馬趙勸莫哀烹雞在船仍置酒
落花風急水禽啼腸斷江南汝知否遙憐堂上白頭親
應在中閨哭新婦

壬寅歲夜坐有感

花溪臘月差丁戌妻子跑來入城府漳南咫尺哭聲連羣
盜縱橫毒如虎官兵不來佐相愛質身應比睢陽許批
燈展轉不成眠白頭坐聽梅花雨

邊道枯木竹石

李侯胸中有林壑揮毫東絹驚搖落山中夜半霹靂飛
拔地蒼龍奮頭角霜皮剝盡春陽姿雲根削出珊瑚枝
崢嶸不假神明力下有綠竹相同依吁嗟李侯誰敢侮遊
戲江南文藝圃如何龍伯忽相招竟誇神蛟躍波去

畢卓醉眠圖

銓衡品秩俱廢弛歲身趨葉有妙理比舍春醪繞鼻香
下顏然呼不起洛陽銅駝荆棘中夷吾復生烏化龍
新亭謾作楚囚泣不如一醉樂春風是非憂樂兩俱忘
眼看世人何短長人生不滿百十歲何用一時富貴忙

三月二十三日承恩後赴部給文諸公索賦

我生東吳稟性薄有子無成有孫息上贖天刑下履宗
仰視皇天淚空落西望金陵十日程山程遠涉良難行
一童扶衰馱背行陳情有書訴天庭黃綾裝池沐蘭馨
通政上奏帝乃聽玉音肆赦盈衆耳蟻虱之人死復起侍
臣抄音奉地官尚書丹心明鏡懸仙曹同列文章賢幕
里春江白鷗渺

楊妃吹笛圖

唐皇天寶承平久內荒聲色宮掖醜誰將玉笛進君王
紫鸞飛上真妃手詔令真妃未帝傍坐吹楊柳口脂香
玉音嬈：銷剛腸含宮泛羽哀思長紅桃侍兒一雙玉近
前歌按霓裳曲湖山石畔春陰：柔情付與芭蕉綠笛
中楊柳吹未終漁陽鼙鼓聲逢：御床臬兀紅袖泣
六宮粉黛烟塵空崎嶇蜀棧摩天關青驪力盡金鞭折

回顧真妃一點魂馬嵬蹀躞轉蹄血三風十愆聖所哀明
皇胡為蓄禍胎画图豈是金鑑錄至今現者徒傷哉君
不見虞廷西階舞干羽蕭韶九成鳳下來

唐知州雙松圖

唐侯胸中有丘壑落筆長松出林薄蛟龍並作勢欲飛
鸞鳳雙棲翠交錯開卷清風謖吹掃花黃雪紛落
唐侯早歲稱奇童画山初學趙魏公晚年縱筆八章偃
下視衆史俱辟空吁嗟此公今已逝流傳遺墨人間世
老夫興懷為題識陳家寶之永母墜

梅花道人山水

梅花道人盤礴羸画山

玉立蓮花朵石根

兀坐茅屋底衣冠彷彿

趨漁舟過塵途當著正火熱何事擔簦赴

景已九旬頻年主試沐聖恩只今無由報寄吳歸休泉

石終吾身

沈思敏山水圖

會稽儒者韓徵君渠是魏國趙公之外孫胸蟠神秀有
源委落筆群峭生烟雲峯蓮削翠開朵瀑泉噴玉
流紛神仙樓閣抗龍首山人葺屋栖雲根漁舟西葉通

回顧真妃一點魂馬鬼踪變轉蹄血三風十愆聖所哀明
皇胡為壽禍胎画圖豈是全鑑錄至今現者徒傷哉君
不見虞廷西階舞干羽蕭韶九成鳳下來

唐知州雙松圖

唐侯胸中有丘壑落筆長松出林薄蛟龍並作勢款飛
鸞鳳雙棲翠交錯開卷清風謖吹掃花黃雪紛落
唐侯早歲稱奇童画山初學趙魏公晚年縱筆八章偃
下視衆史俱辟空于畫上公之近元稹遺墨人間世
老夫興懷為題識

梅花道人山

此網房祥在
杉竹軒 五石

梅花道人盤礴羸画山画水無不可興來縱筆不用矜奇峰
玉立蓮花朵石根喬木青叢叢群柯羅列如兒童兩翁
兀坐茅屋底衣冠彷彿商顏同一翁忽下山去涉江擬
趁漁舟過塵途當著正炎熱何事擔簦赴集火嗟予顏
景已九旬頻年主試沐聖恩只今無由報寄吳歸休泉
石終吾身

沈思敏山水圖

會稽儒者韓徵君渠是魏國趙公之外孫胸蟠神秀有
源委落筆群峭生烟雲峯蓮削翠開朵瀑泉噴玉
流紛神仙樓閣抗龍首山人薜屋栖雲根漁舟西葉通

谷口石梁有客來前村乃知意匠奪天巧經營林壑何崎
峒老夫舊歲閩中去道經武夷泊溪澗上有文公九曲之
棹歌亦有仙人煉丹之洞府躋攀忽驚風雨至蒼黃若
被神靈阻歸來忽三四月沈郎邀我具雞黍夜披畫
圖索題識恍如坐我武夷下嗟予素有登臨癖衰老無
由追故步不如逐棹浣花溪依舊歸休釣浙所

單于夜宴圖

朔風鬻發揚沙塚穿廬苦寒指款墮戎王夜宴擁貂裘王
人如花正襟坐胡雛呵煖煤火然囊盛馬湏常酒泉一
杯濡唇不下咽腥羶拂鼻心煩煎侍兒斜抱琵琶立疑是

昭君嫁來日淒淒春草胡馬鳴冷絃索秋鴻泣當時漢家
兵力虛和親夷狄非良圖可憐廷議得策至今壯士猶歎
歎大明天子御神器天生英武肅綱紀麾叱四夷如犬豕
皇威一洗中國耻千秋萬歲稱勇智

王母圖

未央宮中春日長千花錯綉雲霓香武皇求仙熱中腸少
君援以却老方翌日青鳥來東翔翩翩雲輅下青蒼群
仙俱駭白鳳皇東隨阿母朝君王金支翠綃相焜煌飛珞
曳珮鏘琳琅鈞天廣樂張帝旁緱山子晉來笙簧武皇
迎之奉霞觴玉門仙使請先嘗阿母含笑天回光手持王

桃進一雙人言食之壽而康帝膳瑤池路茫：人間歲月西
飛忙回顧銅仙泣淚滂向未方術殊荒唐茂陵石馬秋風涼
吁嗟詞客歌劉郎

春雲出谷圖

朱家素有書畫癖春雲長自毫端出英：觸石膚寸微無
心每藉東風力仙家變化如有神吳綿擘碎纏春迹有時
為我載雀歸怡悅不減陶真白元暉此画有真意佳氣時
時起東壁雲今雲今我呼汝玉葉金枝美無度莫向山中
伴衲僧好為商家作霖雨

袁安卧雪圖

朔風飈蕪冰崖裂千蹊萬徑行踪絕喬林一夜天回春琪花玉
葉紛成結汝南歲暮雲四同閭閻不識袁邵公門前大雪深
數尺高先生高卧氣如虹洛陽縣令民之特造門掃雪香
無跡先生咄：不下牀能使頑廉懦夫立清風凜：高無
鄰名垂圖画如有神嗚呼如今眼中寒士誰甘貧有如
洛陽縣令能幾人

蟋蟀吟

十月蟋蟀入床下胡為舟中夜：語阿咸側耳不成眠親
手張燈無覓處岸上誰家燈火明沉：機杼秋無聲蛩兮
蛩兮何不催爾織：成白絹供官徵我歌蟋蟀亦良苦

唧：啾：哀復訴開蓬濃露白於霜織女停梭泪如雨

黃浦水

黃浦水潮來載木綿潮去催官米自從喪亂苦征徭海
上人家今有幾黃浦之民不膏蚕什：伍：種木棉木棉
花開海天白晴雲擘絮秋風顛男子採花如採蘭女媪
紡花如織絹由來風土賴此物祈寒庶免妻孥怨府帖昨
夜下縣急官科木棉四萬疋富家扣戶借新租貧者沿
村賒未得吁嗟黃浦水流恨何時枯誰知木棉織成後兒
啼女泣寒無襦

○五言絕句

蒲桃燈

碧葉覆驪珠枝撐不用扶夜窓燈火闌星斗落冰壺

牧牛圖

細雨濕江烟烏犍帶犢眠牧兒無一事垂釣晚風前

梨花偷倉鳥

勿云斥鷃小更比鷓鴣微竊食大倉粟却繞梨花飛

題扇

喬木濃陰合羣峯曉色開山人凭水榭誰棹酒船來

墨梅

夢裏瑤花落烟中綠鳳翔更無明月色唯覺麝煤香

墨桃白頭翁

春風能作寒野飛亦改色山禽驚為變化愁得頭俱白

墨梅寒雀

枝上玉雪凝朵烟霧濕凍雀知春風飛上梢頭立

題畫

長松蟠翠蛟群岫走青兕沙頭駐篙人有待兩高士

畫
昼竹四首

風

公子歌淇澳仙娥舞翠衣清風一拂披化作鳳鸞飛

晴

赤日不到地清風長滿襟求羊如過我移席坐涼陰

雨

綠潤枝濕青垂葉濃作霖如變化吾亦願從龍

嫩

粉節猶含箨新梢未出牆中林逢子敬不覺淚浪

○七言律詩
登岳陽新樓

突兀高樓正倚城洞庭春水坐來生三江倒海風濤壯萬

木浮空島嶼輕吳楚乾坤天下句江湖廊廟古人情中流

或有蛟龍窟卧聽君山笛裏聲

岳王墳

身清遠

鐵騎如飛入虜雲寧知社鼠姑元勳未與漢業情請
先死吳門嘆伍員南國有人論歲幣中原無日見官軍
一埋青血西湖地古樹寒花幾夕暝

七言律詩

北京同年鄉會

郭外行厨樂且湛柳條春水綠相涵九重策士綸音近三
月看花酒氣酣天下驂駟多冀北榜中人羽丰江南明年
重應金門詔未必狂生不與驂

紙帳

新製溪藤斗樣寬日光玉潔照衣冠不容公子圍春色

祇為儒生障歲寒五夜白雲頭上起一天香雪夢中看覺未
門外霜風冽却憶蒼生卧不安

王彥美載夢舟

風波滿地若為愁醉卧浮家蝶化周一枕潮音通鼻息
半帆月色照神遊橫江曾伴林皋宦歌枕還依海上鷗
祇恐元戎眠不著起來蓬底看吳鉤

貞白池上飲酒

秋風蕭蕭吹我裳山公池上同揮觴紅葉出水晚色淨碧
梧過雨高雲涼今之時流張乃事古來達者和其光浮
雲富貴如此耳仰天一咲俱亡羊

中秋夜泊黃河

黃河流：浪翻盆百尺，颿檣上下奔。月色偏於今夜白，河
源不改舊時渾。雷行西北通天極，風送蛟龍入海門。款
一觴歌九叙，千秋萬歲萬功存。

禹跡荒：一岸中星槎渺，不知津浪神。豈為蒼生恨
元氣同流萬里春。帆席高褰風色順，霜華初落雁聲
新。壯遊不作悲秋嘆，夜：開篷望北辰。

過徐州

戲馬臺前戰伐收，北遊燕趙偶維舟。蘇仙伯仲成黃土，宋
代文章見此樓。桑椹釀泉紅灑，鯨魚上水白浮。登高

吊古平生意，日短風帆不可留。

李白酒樓

神仙樓閣倚天開，我也登臨亦快哉。不有靈風生錦袖，空餘
明月照金壘。雲霄鴻雁冥冥去，齊魯山川滾滾來。春問訊樓東舊
桃樹，汶陽別後有誰栽。

灤河記夢

清禁迢迢：夜未央，夢隨法界出。灤陽仙翁斫桂露，香濕宮
女洗花雲。氣涼天近，星辰俱北拱。風高鴻雁自南翔，覺來忽
卧人間世角。烏啼滿樹霜。

聞真白先生哭寄孟昌姪

天閭卒哭若為情尚憶佳城不易營
舊日文尊猶有汝新年形影已無兄
杏花桃葉俱春夢寒食清明總哭聲
西望新亭泪如雨欲携家釀忍同傾

送虎大舉

使者旌旗向日懸南風打鼓發樓船
蓬萊海色三千里閩關龍光尺五天
送別况當多難日關心頻數中興年
玉堂親友如相見為道狂夫只醉眠

送張別駕如杭分題得浙江亭

浙水秋風日夜哀獨憐亭子倚江開
百年玉氣從龍起八月潮聲帶雁來
吳越兵戈沙上語江山風景掌中杯
不知別駕登臨去載得詩筒幾日回

答張德常

與子昔年遊帝鄉別來歲月何其長
偶遭世亂苦捱時之不覺老泪今浪浪
吳松月明幾家好洞庭秋風千櫓香
已擬重陽過桐里先拚一飲醉萸囊

鑑湖分得燕字送馬易之

鑑水春晴好放舟登臨不惜酒如川
賀家茅屋春波繞禹廟梅梁鐵鎖懸
江左文星多聚越海東潮汐直通燕
觀風未得詩千首好趁雲帆送上天

歌風臺

孤舟入沛夜如何况復登臺感慨多龍虎已銷天子氣山河元
入大風歌九霄霜露凋黃葉五夜星辰下白波獨有當時三
尺劍至今光怪未全磨

送友人赴杭分題得龍舟

昔年龍舟憶凭陵曾見丹光石上騰鱗甲在淵猶剩水袈裟
照影有殘僧風流二老吾無及搖落孤亭客重登稍待西湖
天雨雪開茶同煮玉壺冰

訪張德常不值其弟相邀賦草堂

扁舟訪舊過桐里令弟邀入賦草堂龐公何事入城府馬卿
多情求鳳凰滄浪濯錦百花咲落日倒影群鷗翔誰言門巷

苦逼仄青雲玉佩長鏘：

元宵客城府代姚子張答友人韻

郡國開筵賞上元金吾仙仗擁羣賢天光夜照金蓮炬花氣
寒輕蠟燭烟五夜雨風淹樂事幾家蕭鼓入新年歸來未齊
舍清如水獨有花灯伴醉眠

送元頤子中赴浙西廉使

閩省微垣雨露香天持綉斧上錢塘百年禮樂渾凋落一道
網維要主張西湖鶴送梅花酒東序烏啼柏樹霜封章若
奏澄清策最喜駕行有范滂

露下金莖夜氣清
秋生畫角客心驚
非關鼓瑟齊不好
自嗟學劍吾無成
青天多風鷹隼集
急黃河滿地魚龍鳴
此身未知歸何地
憑高四顧淚縱橫

送余伯圭會試

棘闈前歲拔時髦
一榜人才爾獨豪
六月飛鵬初擊海
千金名馬肯同槽
風檣夜靜神灯下
天闕秋清雁塔高
會見瓊林沾錫宴
杏花紅日照宮袍

寶林八景

鸚鵡咬：紫翠重金沙
泉上憶追蹤
神明何代移靈鷲
城市無人識
卧龍石井書
豈蟠金堰
蜒天灯
夜照玉芙蓉
款知衣鉢傳

何事請聽黃梅夜半鐘

冬至

城郭雞聲振五更
起來危坐候陽生
辟陰剝盡天機見
七日朋來吾道亨
南園梅花春寂寞
中天雲氣曉崢嶸
閉門稍待天時定
同挽銀河洗甲兵

道院判席上分韻得能字

江上長城爾獨憑
折衝樽俎燕良朋
千金散帚誰能享
百爵深杯我不能
桃葉春江風袞袞
杏花寒食雨紛紛
春軍若說京華夢
曾與官奴一匹綾

蔣妓凌波圖

金妍風流秀且都，翩如秋水迅芙蓉。可憐有美懷珠玉，相伴凌波
入画圖。巫峽雲來空相像，楊花雪落半虛無。憑誰載酒雙溪
畔，先為彭郎乞小姑。

送貢侍郎和韜還京

侍郎和韜下葛川，觀此荒城亦可憐。憂國回知民是本，足兵
無奈食為先。青：楮幣未編戶，白：楊花送采船。民力不凋
王事集，春袍鳴玉早朝天。

詠芍藥送妓

群芳落盡雨初晴，芍藥迎風折綠英。綠染宮衣雲影蕩，紅翻
仙掌日華清。贈行秦浦春無賴，看到揚州花滿城。後夜月明

歌舞罷，夢回猶憶步盈：

容樓偶題

溪上東風吹酒舫，羅衣別泪濕離筵。誰家碧草飛玄鳥，一徑
落花啼杜鵑。客館春醒詩興廢，荒洲日薄夢魂牽。酒醒却憶
少年事，忽見青山意惘然。

贈趙待制

蓮花庄北長橋東，客棹卜居水晶宮。參差樓閣烟塵外，窈窕
山川圖畫中。細雨新帆來舞袖，故家喬木鎖春風。請看杜牧
題詩處，千古風流一咲同。

揚州李子威，載歌者遊湖州。持過華溪，予因答抗，不得

相見因以詩寄之

碧瀾堂下載婵娟
搖蕩春風樂少年
千里過門君有意
一尊留客我無緣
揚州蕭鼓人如玉
江水琵琶月滿船
稍待秋高騎鶴去
相隨李白酒家眠

答張旣菴學士韻

綵舟三月駐河濱
學士登臨發興新
水泛雙溪初過雨
花開韋曲不勝春
烏鄉酒熟送為客
巫峽雲來若有神
別後蘭蓀依舊綠
定應愁殺白頭人

遊普陀山

普陀勝地由來險
大海中央出翠微
千古仙靈秘巖穴
九天法雨洒珠璣
金沙浪暖龍神舞
小白花香鸚鵡飛
稍喜寸心瞻禮罷
東風相送布帆歸

盤陀石上現日

盤陀石上接崆峒
俯瞰朝陽升太空
萬頃紅濤浮上下
半天金景貫西東
古今人物重明裡
南北山河一照中
如此登臨良不惡
更凭高閣洒天風

待沈子厚先生訪雪林講師

萬水東頭開佛筵
野橋當戶石玉聯
琴池蓮夏茂多重
帶林木春青只半邊
石刻捨田由宋代
山門錫額自唐年
白蘋洲上清風遠
歷世諸孫不乏賢

梅竹軒

湖上峯巒列翠屏，軒前梅竹靜疏檣。
粉香夜集嬋娟女，蒼雪涼飄翡翠翎。
舊日調羹天煥燭，祇今問訊及清寧。
功君更植三槐好，會見繁陰滿戶庭。

寄宋思賢

與子不見三年多，苦遭離亂奈老何。
孤帆近宿舜江上，故人遠在東山阿。
雲氣滿樓却是雨，夜涼如水歎家羅。
西州何似東州好，早晚商量結薜蘿。

寄慈谿令陳文昭

因風問訊慈谿令，每怪來鴻不見書。
風俗過江多閉糶，

亂離為客嘆無儲。公田七月收新稻，山縣千家食大魚。
見說海東時序好，歆携妻子就耕鋤。

寄范希孟

越鄉為客酒難賒，空採荷花過若耶。
性癖懶為黃祖客，身貧歆種邵平瓜。
鶴鳴瀛海風如水，龍起姚江雨散花。
東望故人何處是，夜涼吹笛岸烏紗。

寄危大恭

亂後歸來四壁空，每瞻北斗憶群公。
已聞泰決中書政，應有經綸絕代功。
荆楚包茅遠祭貢，勾吳杭稻待秋風。
尺書歆寄平安信，祇有雲帆海上通。

荅周玉雪左轄

鄉國兵戈杼軸空寸心憂國若忡忡
謾勞傳檄求毛義深愧無才比石洪
南省官儀新製作太湖兵氣襟青紅
腐儒朽散知無補只合携書往瀛東

松雪齋池中太湖石

魏公池上玉芙蓉元氣淋漓濕貝宮
溪女梳頭雲冉冉天丁鑿翠雨濛濛
品題甲乙平泉遠變化風雷良嶽通
回首太湖三萬頃酒酣濯足洞庭空

吳門老親舊歲松雪竹一幅翰林諸公題滿其上唯虞道園先生為絕唱因附贅鄙作

學士歸來鬢鬢已絲醉揮縹鳳綠參差
湘靈鼓瑟風行水瀛女吹簫日在眉
蒼雪未消摩詰畫黃鐘還叶道園詞可應
二老風流盡令我重磨洗玉池

送夏副樞兼簡錢參軍

副樞承命山陽去真為皇家握重兵
塞上旌旗朝北斗淮南保障倚長城
貔貅夜度河冰合閭闔雲開劍氣清
若見參軍煩問訊老怀日夜望昇平

初到棲雲觀

棲雲觀前淮水長北風凜冽梅花香
神龜出城地載玄武白窟上天朝玉皇
朝採茯苓和玉屑夜尋枸杞識丹光
射洪若

有如泉酒送此題詩到上方

客舍遣懷

天道茫茫不易談
金人猶自口三緘
坐清已免丹徒令
起廢聊為斥土監
青眼阮公仍獨駕
白頭杜甫自長鑿
南來若問吳門隱
只有梅仙思不凡

曉登狼山懷王叔明理問

日出長江烟霧開
夫容挿漢青崔嵬
仙人已跨白狼去
長史曾騎黃鶴來
吳楚中分天設壘
干戈四塞水如杯
令人若憶周公瑾
羽扇綸巾一俊才

送月彥明河內監縣

越羅織翠舞衣涼
把酒東城野水香
別意正如春草綠
閑情無奈柳花狂
葡萄釀黍傾天祿
藥物關心采地黃
十月到官公事少
封題應寄沈東陽

寄錢參軍

參軍經歲守淮夷
王事西羈縻
恐廢詩甘旨
關心煩令弟
春秋傳業守
喜家兒
山陽月靜還吹笛
淝水風連自奕棋
看道軍中指揮定
折衝樽俎是吾師

戊辰歲在杭簡曾先生

越上官軍未解圍
江船連日羽書違
臺城有恨忠良死
藩翰無謀將帥稀
風雨滿城蛙鼓合
乾坤日夜鬼燈微
腐儒憂國

漸無補北望神州淚滿衣

避兵錢塘寄孟彥忠

吳興文獻之子孫我與孟勳為弟昆青春作樂猶昨夢白髮
凋零非故園明月美人千里隔秋風喬木幾家存西庄代食收
杭稻還念先生食指繁

秋懷

落木蕭蕭奈爾何洞庭日夜水揚波閭閻風俗非吳語城郭兵
戈半楚歌風雨蒼生未鬼樸烟花紫禁舞天魔老懷憂憤無
由訴忽聽天風過野鷺

寄浙江左司員外郎張光弼

員外才名自不羈每聞休暇好題詩十年入幕談兵慣九日
登臺發興奇霜落芍陂催穫稻風連漚曲未收棋功成歸卧
山陽市咲折薇花對酒卮

詩集

徵君識面氣如虹佳句驚人未覺窮木橋秋風鴻羽振屋梁
春雨燕泥通近閭鸞閣招仙侶不信雞窠有老翁會見崔書
催入觀詩成應奪錦袍紅

寄陳公望

憶別吳門歲忽殫尺書勞爾問平安西鄉明月誰家好千里
長江行路難震澤雪消鴻雁喜秦淮日短白鷗寒君家早晚

選丹熟願賜刀圭振羽翰

芙蓉莊

花上微霜落未多
紛紅駭綠奈愁何
翠裳曉凜 瑤池露霞
佩秋生錦水波
心賞不辭十日酒
歲收可但百塵禾
何由繫纜
靈山下與子憑軒一醉歌

寄陳公望弟兄

十載兵戈泪未乾
士林耆舊總凋殘
每於吾道求三益
豈謂衰年識二難
詩禮庭闈稱伯仲
梧桐第宅表衣冠
嚴君退食園池上
拭目雙珠也自歡

寄錢參軍

傳道參軍已趣裝
劉郎口語豈荒唐
幾回見月驚殘夢
千里停雲憶報章
故國梅花南日近
中原戎馬北風涼
何如同去吳門市
雞黍登臺赴范張

答喻桂山

讀書吳下猶前日
濫吹竽中愧此身
傾蓋已煩青眼顧
盍簪長怪白頭新
山川北去悲牛鬼
雨雪南來送雀神
如此相逢拚共醉
梅花愁殺未歸人

寄陳長史

丞相新除陳長史
鹽車猶困沈休文
盍簪每忘雲泥隔
借榻誰拘上下分
闐闐風傳朱鷺曲
海門月靜白鷗羣
平生不

作彈冠態只恐王陽有意聞

鶴軒為薛煉師作

吳門羽士鬢眉龐長載華亭鶴一雙
萬里游心同泛梗千年老氣獨橫江
舡頭夢覺月照席蓬底聲聞風滿窓
我亦金華未歸客便應泛北上吳艘

贈別羽士蔡霞外

上國歸來暫息機每臨溪水洗塵扉
清秋一舸沙邊繫落日雙鳧霞外飛
采芣桂花催釀酒折將蓮葉贈為衣
相留信宿還相別月滿茅山借鶴歸

柳洲為陸德陽先生賦

楊柳闌干翠款扶杜蘭洲渚綠相紆
政儂兄弟三間屋同占東南一曲湖
桃葉微風來小艇藕花秋水下雙鳧
絳帷若道琴書罷莫惜鄰家對酒壺

訪東山上人

上人亭子臨流開圖書四壁無凝埃
已送天台見茶椀復入匡廬啣酒杯
梅花紅白池上發雪片大小空中來
前村又報鼓鞀急氣酣日落聊歸哉

和周廉使韻

官梅照眼白于雲坐聽談詩席屢分
靈响盤空祇自覺惡聲報夜不須聞
謝公折屐心應喜張旭揮毫氣正醺

深愧諸生藉鈞鑄一官初試泮宮芹
龍門賓客總如雲何事黃柑獨見分
陸續遺親真有感封人錫類豈徒聞
自憐錦里頻年病誰識斜川竟日醺
世味祇今隨浪迹朝盤八鹿糲煮香芹

萬壑松濤

蒼弁群峯歲月深連林風葉自成吟
輕雷殷：龍驚蛰靈籟泯：鶴在陰
身老惡聞擊鼓振心清如聽海潮音
何由借榻山中宿月落西窓更鼓琴

送石景廉赴上海

吳會河山接帝京石家兄弟鳳皇翎
元為守牧如甘雨弟

作郎官應列星潮到縣門竟漫喜
琴彈署柳雀未聽我因籊令曾現政君
比前人更恤刑

海上扁舟繫宦沙昔年曾過縣公家
鮑魚客舍無拘束雞犬人家少怨嗟
紅箭夜春秔稻粒白雲晴紡木綿花到
官風景能如舊為爾須乘八月槎

題松雪竹

吳興画竹妙天機每爰臨流解帶圍
翠袖涼生蒼雪下墨池雲起紫鷺飛
曾聞神女遺珠珮謾說詩人咏綠衣
回首王孫芳草合白鷗飛去水光微

舊館鄭叔文寓舍多種諸色菊花獨冬菊一枝雪

中盛開僕往來觀之不厭叔文索賦

舊溪寒菊更新明為客看花倍有情晚節不因霜後變
餘香偏向雪中榮頻煩鄭老謀清酌却咲靈均賦落英聞道
移根故園去高堂三老定歡迎

道原長老凝翠軒

縣公健筆題凝翠此日登臨思不群山擁晴巒青衲：天垂
秋影白紛：金銀塔廟殘烽火雨露松杉屐斧斤坐據胡床
一杯酒黃冠頭上有青雲

又寄

溪上層軒倚佛幢憑高不覺壯心墜天光下被緇衣客山
色平分玉女窓湖海故人驚隔世闌干清泪有如江浮生俯
仰渾如此西望滄浪白鳥雙

和王黃雀中秋翫月

陽川同看中秋月今夜蟾光分外新風露香傳金粟樹
嫦娥愁殺白頭人名叨桂籍瞻雙闕夢到槐根又幾塵
有酒便應招李白揚眉對影不須慚

德中弟招看杏花

舍弟開園早見招舉盃花下挽長條彤霞過雨春猶濕絳蠟
凝香雪未消老眼看花驚亂世誰家橫笛天良宵酒醒忽憶
觀光日與子間鴛鴦子橋

杏林仙館為王士誠作

廬阜移根向日栽，東風曾為董園開。
朱霞半點青陽雨，絳雪微消白玉杯。
地發丹光春滿座，月明簫管客登臺。
綠山更有瓊兒在，誰道吹笙不下来。

藏春軒

花木庭除日載陽，客來燕坐室中央。
不須簾幙圍歌妓，賴有欄干護海棠。
南國黃鸝長隔葉，東家粉蝶漫偷香。
詩成不道緘機泄，一夜條風到草堂。

和道原長老韻送鄭叔文

爰爾層軒上下寬，我來君去不同歡。
月明吟味登樓賦，風色先吹適越冠。
南國天高鴻雁喜，西陵潮落白鷗寒。
還家若憶休文老，青眼何由伯仲看。

琴鶴軒

喬梓陰陰綠滿林，每因琴鶴叙朋簪。
五絃誰向南風曲，萬里聲聞大雅音。
柳絮雲浮春淡澹，仙衣露濕夜沉沉。
西窓剪燭相期久，一洗哇淫為子吟。

梧竹軒

誰道槐陰不再榮，碧梧翠竹賀新成。
高雲晴覆銀床井，蒼雪涼生綠酒觥。
落子正堪靈鳳啄，抽萌還共鯉魚烹。
明年歸去成三樂，觀掃庭闈宴父兄。

萱草園

堂上奇峯削翠清石根萱草映藍袍
侵凌凍雪青鸞尾飛動薰風綵鳳毛
心在庭闈思報答恩於兒女受劬勞
花間若道生荆棘擬囑園官為爾婦

題趙子介白雲窩

出壑浮雲霄寸微每看舒卷坐柴扉
無心海上泛龍去隨意山中伴雀飛
弘景怡情曾有賦杜陵卧冷不勝衣
老夫亦款歌招隱翰與先生識化機

楊半樓

老夫整處無全屋楊子樓居善折中
與白雲分戶牖從教

蒼弁隔西東客來泛席無餘地月出開
窓不滿意却憶舊遊燕趙日花房紅袖
鎖春風

來鶴樓

青天月色白紛紛有客能招野鶴羣
不向水邊鳴夜半肯來天上傲秋分
神遊寥廓乘清氣影落闌干化白雲
早晚姓名除碧落騎風同禮玉宸君

靈霄一羽忽飛下不道樓前月滿江
經誦蕊珠之子聽聲聞華表我心降
笙簫夜過黃冠客風露涼淒玉女窓
擬借白雲騎一隻莫辭玄圃更無雙

卧雪為袁子志賦

門外雪深數尺強袁郎高枕也應狂月明蝴蝶迷何處酒醒梅
花落滿床縣令亦知吾道病先生不管北風涼揮毫枚乘偏能
賦消得渠儂酒一觴

贈醫隱山伯英

習家池上風流在千古山公今有孫長年賣藥舊館市有時
載酒烏程村秋風橘子垂丹井春雨杏花開古園誰道交游輕市
道老夫曾與宋清論

義門鄭叔文山人舊館

金華我欲乘風去舊館君能縮地來山近郊君勾曲洞天連簫
史鳳皇臺洞庭雨脚吹笙坐華岳蓮花濯錦開好是水晶
宮裏客尋真何必到天台

水北山居

門前流水玻璃合屋後青山雲錦堆鳴崔在庭仙客過白鷗冲
浪酒船回東都處士歌行李南國詩人賦有菜更待芙蓉開
幙下老夫遮莫抱琴來

銀河精舍為楚太守作

漢水通天上下澄結茅江畔並冰陵天光曳白驚珠闕夜氣
如虹貫玉繩石壁曾邀符守過星槎終待使君乘郡齋見
說無膏火夜讀應分織女燈

青溪耕叟

溪北溪南啼鵲鳴村：兩足夢維魚紅梨花吐風初定白水田
翻草已除傍舍開荒先買犢老夫無力自揮鋤朝廷若下的
農詔爭道先生夜讀書

送送符宗道回越

名酒百壺春始波度江不別意如何青山家近詩人眺春水如
織女板高廟衣冠空想像蘭亭文采已銷磨平生吊古登臨興
早晚相將發棹歌

送義門鄭仲文赴福建布政使司左叅議

榕葉鶯啼五月涼天開政府控炎方少年奉議承恩重白髮鄰
翁賦別忙鵝火含丹催荔子鷄心切玉為檳榔閩中風物能如舊

莫惜緘題遠寄將

寄韓睿王弟兄

十載歸來白髮新家徒四壁亦甘貧爰來每味停雲句別後
全無裹飯人茅屋天光都是雪梅花風色可憐春傳家賴有
仙人酒東望偏舟整角巾

答邵山人

客路休歌君馬黃風波觸處有瞿塘謀身擬被儒冠誤避
地翻憂戶屢忙綠樹繁紅留遠客白鷗送酒淨滄浪木桃贈
我何勤切佳句驚人屬老蒼

荊棘荒涼日色黃謝家猶剩舊池塘可堪衰病送教醉除

却料徃有底忙溪上客來雲丹二樹頭花落雨浪二且謀雞黍
論吾道敢為成虧訴彼蒼

和邵山人

扁舟泖上水為居西望峰烟百里餘客子開蓬霜降後家
人搥練月生初兵連蒼雲天垂象水落吳松夜泣魚若道
瓜田多蔓草老夫早晚為君鋤

和邵山人過字

吳淞東去羣鷗散蒼雲西來一舸過池上屢陪山簡醉座
中曾聽薛華歌中年鄉國黃塵合長夏江村綠野多擬與
賀公同結伴黃冠野服晚婆婆

亂後還家如旅泊愁中世買酒喜人過每吟栗里停雲句不作
南山種豆歌故宅東風歸燕靜孤村夜雨落花多白頭却
憶現光日曾賦神明與馭娑

送友人

春江千里水如梭捧檄東行奈爾何家世本非刀筆吏才能
合舉孝廉科酒酣朱雀橋邊美花落烏衣巷口多到得山
林春未晚好隨鴛鴦道上鷺坡

夜飲送友人

陌上飛花吹鬢莖老來聊學少年行三槐有客來吾道千里
論交不世情柳拂花溪朝繫纜鶯啼帶曲夜飛觥相親未久

送相別落日前溪送櫓聲

送長興王縣丞考績赴京

藉甚長興不負承烟如萬壑出清冰
客來花縣朋簪盡官滿松廳
治行稱茗雪船開風滿席
奉淮雪落酒如通到京
考績應書景知子承恩自此升

谷邵山人

茗溪今夜月同明幾度開門聽櫓聲
寒食杏花愁裡過故園春
草旁中生可無茆屋符君住
亦有良田貸爾耕尚憶楊溪
供給好令人何以谷高情
酒熟比鄰不用賒醉鄉結伴了
生涯得歸粟里重栽柳休

說長安再看花蜀國杜鵑啼別樹
丈人烏鳥落誰家令人漫洒
千行泪美爾先乘八月槎

谷董彦誠

瓦礫空場燕不歸故園草色
梳殘白髮吾驚老散盡黃金
客過稀好辯孟軻無煖席
長貧杜甫典春衣相知只有淮南董
一寸死不違

訪陳敏道不值

不憚風波兩日程孤舟聊繫故人情
菊花與我為賓主醴酒
送人結弟兄秋穀已銷吳甸雨
寒潮不上闔閭城白頭欲製烏
啼曲付與漁郎短笛聲

劉朝詩集中有
沈八向字原雅元
性武子年南
其性嗜酒為京湖
名將解揚九子受
年有律詩四首絕句
此第一首

答王判簿

判簿作官清且廉樓居數月相淹雲開雉堞青山繞秋鴈波
夜雨添鑑曲未容狂客去杜陵終待老夫潛衙回若見黃堂守
勿說丹崖有宋纖

和韻簡烏程諸公

烟郭行舟信宿停釣竿風色拂東溟故人賴有郎官宰野老同
瞻處士星春草滿階公事少朝盤留客爾散馨明朝返棹歸何
處家在花溪白鳥汀

再用韻簡庶道長

青油幕下我車停文采如虹貫八溟對紅蓮歌綠水夜占
吉鳳候三星西園雨過挑班稚南海風來憶素馨肯為老懷謀
一醉酒酣濯足白鷗汀

烏鄉作客鳳鸞停曾挾鷗鵬化北溟偶過西都歌振鷺遂令南
國仰文星種花縣署陽春益釋奠黌宮忝稷馨報政歸未書
上考不妨醜酒藕花汀

送溫判簿

枳棘如何棲鳳鸞名郎秩滿氣仙三一廉如水歸公論百里皆
春豈偶然江路梅花迎上客都門柳色入新年承恩若見同
寅士相買花燈過上元

秋溪漁隱

荻花溪上水光微
新築茆茨倚釣磯
春雨棹歌西塞曲
朝盤飯煮北山薇
開門見月能吹笛
有客無辭每典衣
只恐少微明不掩
徵書早晚到柴扉

贈并山朱鍊師

蒼弁神宮接紫臺
鍊師行道有仙才
興雲劍氣如人立
彈指雷聲送雨來
龍虎夜送金鼎躍
鳳凰時載玉笙回
功成高卧烟霞裡
有酒須傾三百盃

鄭叔弓翁

金華山下草亭孤
五月荷花似鑑湖
風急纜侵堤上柳
渚清魚泳水中蒲
扣舷二客應能賦
送酒羣鷗不待呼
誰道人

皆苦炎熱溪山隨處有冰壺

陳教諭寒谷

烏傷縣西鳳林東
中有一畝盤之宮
兩崖凍合梅花雪
四壁秋生木葉風
子真相霞豈不樂
幼輿立壑將無同
明年棄官好歸去
笑歌酌酒春融

代任中郎送友人還關中

秦關百二山河壯
胄子三千國監榮
西望白雲生我屋
東瞻金殿憶神京
林間稚筮說：出花下
安輿款：行富貴不如歸
省樂親朋爭賀酒
壺清

夜夢得魚數十占者謂有大雨越二日果雨

佳魚入夢已開先
溪水俄生大有年
秋盡雷聲時殷
冬未雨脚日懸
木頭生耳愁無奈
菊蕊飄香溫可憐
幸有濁膠沾滿眼
飲中時復望青天

陸文寶筆花軒

練水生春洗玉池
陸郎邀我試毛錐
天龍五色江淹賦
宮錦千章李白詞
仙掌露濃傾齒蒂
玉毫烟煖長辛夷
便應借爾軒中筆
題到平生吉夢詩

練溪陸文寶耕墅軒

練花溪上即滄浪之子
求田自有庄
寒食開荒連夜雨
秋風穫稻滿天霜
可堪北里黃金盡
不似南村白髮長
十月滌場朋

酒熟相期介壽殺羔羊

答趙季石

吾道艱危不可扶
閉門只合著潛夫
震驚二月天飛電
野哭千家吏索租
舊雨溪山曾有約
故人雞黍肯交孚
請看冰雪相輝處
為是題詩我不謏

遊談太守朝覲

菰城五馬朝天去
三月秦淮春正繁
群牧在廷同報政
九重考績每臨軒
洲回白鷺圍春水
花拂金魚賜綠樽
預掃凝香聽鳴玉
老夫倚杖郭東門

送安吉縣丞乃父還鄉

鄣南山水由來美，今子為丞有令名。
就春松廳雖可樂，思歸粉里未忘情。
南州花柳催車輶，東海蓬萊入郡城。
十月到家應釀黍，親朋傾榼酒盃清。

張伯宗春齋軒

具區浩蕩春如海，張子軒楹枕上游。
日出湖山皆錦綉，沙明魚鳥亦風流。
願送賓客傾光霽，豈有文章足唱酬。
東望華懷三百里，老夫早晚繫扁舟。

令祖論交五十年，杜陵別後竟遊仙。
相望一水神如在，不識諸孫恨每牽。
黃鳥歌殘求反賦，白鷗催上釣魚船。
令人想像登臨處，消得吳淞酒一川。

題山居秋晚

居士香光韞筆鋒，興來能寫玉芙蓉。
天機爛熳玄黃禩，元氣淋漓紫翠重。
秋滿闌干園錦樹，雲開瀑布落蒼松。
山居也自風流甚，老我無由脫屣從。

九月過姚廷暉隱居

病起扶衰上釣槎，乘流直到故人家。
一秋止酒樽無綠，九日開園菊未花。
海氣通潮生白霧，天風如水洒烏紗。
歸來落葉多如雨，欲寄新詩日已斜。

客鄉時序苦匆匆，九日愁生斥土東。
樽酒幾酬令節鬢，毛疇丈自秋風。
柳州心賞隨年薄，鄭老襟期與子同。
回首故園

歸未得家人誰問菊花叢

七夕和韻

天孫今夕意如何風浪無聲鵲渡河
詞客成章誰復和家
人之巧自相過雲開星駕秋垂象
露下螢機夜織羅
從此一番佳會後
画屏銀燭嫩涼多

示院中同考官

槐花落盡棘園開
考試文場拔俊才
多士爭先龍虎榜
春官已在鳳凰臺
星分燭影簾前過
風送潮聲閣上來
準擬明朝同出院
不妨今夕更啣杯

院中夜坐

檄下丘園赴考文
日臨高閣步青雲
同襟諸老心相契
嚴約仙官思不群
木葉秋風黃落盡
桂花涼月白紛紛
摩挲老眼評朱卷
秉燭西窗坐夜分

送同考官劉子彥還江西

桂苑香傳大比年
盍簪簾內聚奎纏
文衡到手秋同考
藥裏裘關心夜不眠
黃菊重陽彭澤酒
白鷗萬里楚江船
班荆若向西陵道
落木紛紛思黯然

和同考官蔣文曾韻

三年兩度赴鄉闈
東帛菱荷賜衣南
國文章方采西
湖楊柳自依雲
霄鴻雁來賓早
江水鱸魚入饌肥
明日城南重

話別一帆風色去如飛

陪同考官劉季治遊湖山

憶昔西湖遊画舫重來風景絕茫然酒家楊柳渾無主歌館琵琶已絕絃
空國朱甍仍舊貫岳墳翠柏自流年平生予古登臨興搔盡雙蓬雪滿顛

赴闕考試舟至常山驛乘縣至分水關甚防閑

闕闕貽書招校藝常山假道擬乘軒一肩籃笥身如播千里青山手可捫分水有闕天設險殊鄉為客我將孫人生用舍終歸盡自笑驅馳不憚煩

舟至懷安驛乘輿到西禪寺明日郡守同布政按察二司

官來設筵款曲遂相迎入城

溪行千里石峻增東望懷安喜不勝兩岸白沙如積雪一壺秋影湛冰清道詢故舊多官塚寺有殘僧守佛燈多謝上官能遠送盃盤羅列酒如漚

閩中飲別

酒熟閩城不用賒騎驢日造故人家香傳茉莉能留客菜羹枳柳每當茶送別秋風裁白苧問津明日上靈槎出關一咲青天濶歸去東門且種瓜

閩歸發懷安驛至崇安

肩輿晚出懷安驛老體凭闌得暫寧千頃魚波通海白百年

榕葉接天青喜無供給煩津吏若問逢迎有驛亭從此出門機事
息摩沙手復眼倍增明

水驛移文遵客程溪声入枕旅意驚波間劍石參差赴沙際梭船
款側行涉險異鄉因校藝思親遺賸若為情明朝擬過鉛山道
應有門生覓轎迎

舟中遣懷

蓬底無眠夜氣存起來危坐候潮激灘声轉石雷霆開山氣成
雲日夜昏閩國文章初過眼蓬萊清淺榻開尊歸途只藉詩
消遣可惜無人共討論

己卯科院中和布政王公中秋不見月

徽府西風生夜涼如何明月和秋光塵生玉鏡愁成結香掃仙葩
爛若央方伯有情煩燕喜老夫多病卜誕歲平生祇有丹心在
衰朽無由答尚方

懷嚴御史震直

秋風開遍玉芙蓉此日登堂酒興濃千里停雲山仰止寸心求友
水朝宗飛騰美爾排空鶴偃蹇猶吾架壑松最喜諸郎能好
禮庭闈文史足三冬

懷布政王公朝賀回司

吳山雪霽跨名駒奉表正元上帝都玉帛千官朝黼座烟
花三殿賜宮壺奎光下被薇垣客江水應還合浦珠不獨儒

林蒙雨露南禾郡國總沾濡

奉和王布政公雲居院詩韻

院中主僧憲前舊栽牡丹一本每歲花開甚盛因助

詩料云

白雲長繞梵王居西竺名山總不如
客至每煩禪榻下詩成誰問酒樽
虛摩訶淨脩竹三年別抖擻塵襟
一旦舒更待牡丹庭下發重期來此
賦元輿

送呂贊府

賓興曾監早成能出佐絃歌不負
承花縣朝聯金榜客松廳秋淨玉
壺冰已聞行旆朝天去終見先生
自此升西望瓊樓千里隔月明飛
夢到金陵

送竺孟熙

金陵自古帝王州之子茅庄若綴
旒千里過門敦古道百壺出祖重
離憂鍾山玉氣盤龍虎句曲丹光
貫斗牛若見茅君頰問信老夫早
晚亦東遊

隱翠巢

溪上雲屏蔽釣房考槃歲月未全
荒不愁牖戶漂風雨賴有松筠宿
鳳皇白日卧雲謁室冷綠陰如水
燕居涼客來見說歌朝隱便款扶
藜到草堂

衡山雨意分題送童中州

衡山積翠晝多陰雲氣時常吐玉
岑謀擬泛星綠有好商量

潤物豈無心已將膏馥沾庠序曾見文章賦上林此去朝天當考績定應用汝作商霖

題盧清源墓銘後

錢塘城裡武功天吾道行藏子獨賢蕭管吹殘風月夜易經讀盡流離年東吳梅福元非卒北海盧敖竟得仙內翰作銘垂不朽幽光千古照重泉

徐大章府教九日小集

廣文招我飲重陽樽俎論交樂未央故舊幾人蓬鬢白風流九日菊花黃陶潛止酒非真性杜甫登臺有故常傾座喜逢皇甫湜醉歌伐木有文章

次日皇甫彥昭復招飲且賦詩見示因和韻以謝時徐廣文

鄭叔文同飲

我老每扶班竹杖多君重約紫萸杯千頭橘子從人采一樹芙蓉對酒開北海芳尊無俗客南州高士不凡才同襟更有麟溪鄭千里楚青不速來

簡韓晉守

得歸京國賀新除日倚都門望母與忠孝共傳楊伯起風騷爭似馬相如雙鬟小妾能沽酒一樹未禽對讀書記取東城相見日綠陰遮院雨疎

范家得鼎綠如瓜，製作神奇世所嘉。
玉氣成雲含翡翠，螭文作篆隱丹砂。
周還邴邴何勞問，漢祀汾陰亦浪誇。
重器終當貢天府，會看僂僕拜黃麻。

苔溪漁隱

苔花白，覆漁叟門外滄浪港。
玉壺西塞一蓑清，入並雙溪百頃直。
通湖鯨鰲罷鉤，吾應老鷗鷺同羣。
爾不孤筭取殘書，歸去讀水雲鄉裏著潛夫。

環翠軒

城居歲月厭風塵，踏錦溪頭願卜隣。
綠遠堂堦萱草滿，青園林木柳條新。
弟兄羅列庭前玉，賓客摩挲席上珍。
老我憑軒

聊弄筆，頌君貫酒屢傾銀。

和李參政攜李韻

攜李青浮雲樹東，往來不用嘆途窮。
身筭雲水雙溪上，夢繞鴛湖一舸中。
楊柳西堆春寂，杏花官舍雨瓏。
一可憐，舊日宣公地，回首繁華一旦空。

倪雲林竹石喬柯圖有詩題其上，隣友得之，索予步武其韻。

此老文章五色霞，胸中丘壑載浮家。
酒酣弄筆如種玉，步屐到門頻索茶。
喬木拂雲青冉冉，叢篁篔簹低地綠斜斜。
別來想像風流意，不覺秋霜滿鬢華。

雲林為叔芳所画竹石圖，隣友得之，索予題識感舊興。

懷悵然有作

喬木槎牙霜滿天
幽篁相倚綠娟娟
筆飛翡翠秋
數葉玉珠芙蓉石
一拳彷彿求羊未
蔣逕分明丘壑似
藍田西翁仙遊花溪晚
令我披圖思黯然

壬子冬十一月日僕過浦江訪鄭仲舒博士伯仲鄭首賦詩

因和韻以謝

湖海論交伯仲知
死生契濶每攢眉
別來歲月如長夜
相見衣冠異昔時
有酒阮公渾淨醉
無家杜甫不勝悲
請看棣萼相輝處
吾亦低頭拜紫芝

遊慧香寺

池上峯峦生夕陰
松風吹作海潮音
白鷗不下清冷水
鸚鵡仍飛紫竹林
殿閣金鋪空想像
山川黃落倦登臨
茲行不有同襟鄭
誰買香膠為我斟

一鏡森羅剗火空

寺前有亭榜曰一鏡森羅

上方遺構石橋通經殘白象

歸乾竺水落游龍蟄化宮

寺前有雙池

烏柏千株珠顆皎丹砂

樹石楠紅匆未盡登臨興
準擬重來宿贊公

哭鄭仲幾愈恚

墓在烏傷

錢塘城裡亂離年
膠漆情親席每連
約我登堂同拜母
悲君作客竟遊仙
春風燕子江南夢
宿草麒麟石上眠
東望烏傷埋玉地
令人中夜泪潸然

谷仲舒博士蘭危先生韻

謝公平日愛登山歲晏歸來西履閑野望松筠連第宅棲居風
日隔塵寰酒盃但可拈重碧詩句吾當露一斑從此與君成二
老不妨白髮對蒼顏

冀北離羣二十年相逢猶記客燕然太常詞翰當傳後老客
聰明不及前竹葉清醅從我醉梅花綠鳳可人憐無端藥累
關心甚歸多頻到雲川

鄭叔車迎父詩卷

日落長安客未回思親無奈肺肝摧便騎胡馬追風去不
道江船載父來白髮南歸禾黍地青山西繞鳳凰臺還家

棣萼春無限好看萊衣舉壽杯

浦江道中寄義門鄭諸公

白麟溪頭孝義家百年喬木湛清華義門有水樽開北海長

留客地接青門好種瓜雲碓曉春杭稻粒星機夜織木綿花先

生莫問貧何事最是香醪不用賒

驪駒賦罷出高門送遠何人把綠樽一代衣冠燕市客謂少公也三

朝文獻鄭家孫溪頭黃柳愁先覓轎上青山手可拍美畫客

程漁浦近紛白雪映朝暎

凝青軒

戶牖朝光淨客衣凝青軒上坐忘機金鳧駐春猶淺綠鳳棲

香夜不飛賓主盍簪名教樂文章闋世賞音稀老夫亦是就
詩者曾此真搜竟夕暉

椿萱齊壽

靈椿已種八千歲萱草叢生鸞鳳毛春在庭前須定省花綠
兒女受叨勞老人天祿然藜杖阿母瑤池賜玉桃早晚登堂介
眉壽未應老客擅詩豪

清暉軒

蒼雲山川入素秋盧郎吏隱過東州雲開裁翠未蒼弁水泛
空明下白鷗杜老草堂多美竹賀公茅宇一虛舟只今未往
風流甚日落鉤簾坐不休

黃處士隱居先隴

沃州之曲天姥前先公結茆今百年白雲悠々去不返青山疊
々來無邊栽花相近杜陵宅載酒或上賀家舫傍人若問黃叔
度少微昨夜懸中天

雙溪釣隱義門鄭叔文索賦

貌得雙溪釣隱圖蒹葭葭葭霜落過湘湖沙頭繫纜舟相並蓬
底攤書客不孤千尺雲松龍天矯兩邊江樹錦模糊平生亦
有烟波興消得先生酒百壺

和鄒大尹韻

湖海論交益者三喜瞻冠蓋聚東南雲開天闕文星爛風

動儒林士氣酣幕府一尊初識面郎官百里暫停驂請公試
飲茗溪水吳祐從來性不貪

題扇

溪回蒼弁湧蓮花林屋深重識故家肅客慣看雙鶴舞
應有^門賴有一童鑿八窓嵐氣生雲暎六月松陰隱日車見說
山人能好禮百壺春酒屢能賒

送蔣宗道還山陰

八月涼風生越羅湖家作客喜同科朝盤海錯先生饌秋
館舉比子夜歌越國群青不斷胥江一水綠無多戴逵
若在山陰往別後煩君問白鷺^峰

寄處州張吳二公子

柳下虹橋水一涯曾煩使者繫仙槎蒲帆風急忙何事箸
酒樽空恨莫賒回鴈峰前公子宅浣花溪上老夫家相思
千里音塵隔搔首江雲鬢頂已華

清遠軒

茗雪天開菴畫圖薛家結構瞰冰壺雲消一塔浮金盃水泛雙
溪入太湖白屋無官塵不到秋風有客酒宜沽請看珠玉揮
毫處深愧題詩待老夫

宴鄭義門有序堂

春日論交有序堂頻煩鄭老宴霞觴飮盤珍果分崖壑

照席名花妬海棠松栢在山多壽考主賓有禮總文章明朝
別後應相憶豈恨春江百里長

耕樂軒

石溪八月風露涼偶來田舍聊相羊
槿花紅白開滿樹杭稻青黃催築場
諸孫五六爭弄影阿翁八十能和光
人間得長我知矣不知耕鑿歲云長

谷林子山清明有感

白麟溪上屢經過行役頻繁奈老何
寒食清明立隴遠東風雨落花多
客懷渺渺青潭嶺鄉夢紛紛綠水波
愁殺春耕歸未得老妻應賦歲時歌

早發錢塘抵漁浦

戶外有霜雞既鳴官舫常檣喚人行
五更風雨春潮上萬里雲霄北斗橫
江樹離離微可辨冥鴻肅肅不勝情
老來自笑猶行役天聽山前伐木聲

張正卿索母夫人挽詩

母在清河年九十嫁來明鏡不重磨
班衣正好娛萱草白髮其如詠蓼莪
機杼月寒梭已化竹萌風折淚偏多
老夫亦是憂親者忍聽啼鳥夜倚歌

題王黃鶴枯木竹石

滙波亭下水光微黃雀翔翔振羽衣
冰壑風生蒼雪下墨池

雲起裁鸞飛枯梢有待乘槎客靈壁曾夫織女機搔首風流
今已矣摩挲今我重歡歡

吳教諭茅屋讀書

我爲湖之山凌裁烟結茅山下儲遺編青山口誦無逸訓綵衣時
咏白華篇窓分隣燭夜達旦以膝穿木榻寒無壇一朝蜚聲
桂花籍歸來拜母恩袍解

林霏軒

雲屏繞屋翠聯拳游氣濛濛奪錦鮮紅濕花梢疑作雪粉青
浮樹杪若非烟醉翁有記詞無敵吳子開軒景獨專稍待日
高林壑霽詩人相約賦賓筵

爲開石泉題松雪山景

圖畫袈裟共一班老師訪我索詩篇山川捲入西風裡鴻雁群
飛落木前中允高情空想像大年小筆謾流傳嗟哉遺墨成
今古一段風流付石泉

松雪翁畫梅并賦一首題寫其上

魏公畫梅何所師丰神遠邁楊補之鐵心石腸廣平賦疎枝
冷蕊杜陵詞白雲變化墨教點綠鳳飛來春一枝老夫符題
且別去山城玉笛何人吹

題證上人秋江卷

涼風嫋：泛吳淞派接曹溪衲子送地圻東南天設壑路通

巴蜀水朝宗百川瀨氣未朱鷺千里流光繞玉龍料得上人禪
脫履白毫長照玉芙蓉

皇甫廷玉贈劉士端梅花道人山水圖

道人造化蟠心胃能馮湖上之群峯氤氳佳氣吐烟壑冉
空翠浮雲松瓊樓高駕九苞鳳銀潢下飛双玉龍劉公歸
去得此画出門一笑登吳淞

連道枯木竹石

娟：秋風來洞庭枯枝拔地玉亭：白雲晴拂驪龍角蒼雪
涼飄翡翠翎纖仲揮毫誰作賦道玄用墨久生寧小劑立
亦有前人與父子齊名照汗青

福建都司姚行素經歷索賦望雲

闔關何處是桐川西望歸雲眼欲穿玉葉凌風飛冉冉仙衣出
壑舞蹁：思親路隔三千里為容心懷喜懼年太史若脩忠
孝傳懷英千古獨稱賢

梅庄書屋簡僉憲索賦

清江先生鉄石腸閉門讀易梅花庄香飄玉雪侵經籍風
落鉛華照筆床竹色上簾春寂：書声出戶夜琅：明朝只
恐詞林召使者先歌我馬黃

江山勝覽陳恭議索賦

分水崇關日夜開登臨觸處有樓臺溪翻雪浪群龍吼山擁

雲屏萬馬來鼓岫一峯當海立武夷九曲自天開只今方伯瀛
洲彥休暇何妨舉一杯

廬山為孫僉憲作

西望匡廬不可攀我家只住楚江灣歐公詩句青冥上李
白書房裁翠間黃髮高堂臨五老綉衣令子控三山西鄉
千里同明月歸省何時一舞班

富春書屋

富春山中一草堂秋來鈴下風露涼日臨蘭冊足游泳夜吹藜
火生輝光芸香侵映蠹魚盡草色映堦書帶長一朝蜚香桂花
藉昭回雲漢皆文章

挽存善周處士

此老城居學隱淪一經教子豈長貧傳家每羨張公藝種
德當如竇禹鈞華表聲聞天上雀屋梁月色夢中人湖山顛
有牛眠地千古幽光照翠珉

送施惟中河南布政司

新除布政施君子吉月驅車赴汴州日下承恩膺重寄河南宣
化闡皇猷天開良嶽青雲繞山擁王宮裁翠浮定有丹心先
報政清光應照鳳池頭

送黃原英赴廣東叅政任

聖主掄材及故家晟溪有客玉無瑕身忝大政新承寵帶東黃

金喜拜嘉海上洲多荔子天南五嶺總梅花丹心報國須公
等好挾剛風萬里槎

送劉士祁舍人還括蒼

老夫與爾通家好前後論心六十年吾道近來好佛法名公
何事每逃禪束書夜發苕溪月行李朝催越水舡不久相親
天相別梅花開日到青田

因文忠寄勉文貞上舍

吾宗有子玉無瑕勵業成均志可嘉交重金蘭下榻禮因難
黍叙通家春城插柳風行水寒食登樓雨散花歲月新功
須努力天河萬里有星槎

挽徐止善先生

閉門讀禮了生涯往事浮雲兩鬢華陶令歸來題甲子林逋
老去種梅花可堪掛劍先生墓無復聞琴處士家回首錢塘
埋玉地令人揮淚重咨嗟

息齋道人竹禽圖

學士才名冠薊都興來能寫竹禽圖吹簫秦女來靈鳳鼓
瑟湘娥怨鷓鴣風度秋聲宜獨聽月明清影不同孤歲寒
猶愛江邊木歷盡冰霜似老夫

簡聚上人

誰道浮屠絕五倫阿師結屋奉慈親祇須香積供三飯何

用者饒薦八珍井上蓮花清淨好佛前鸚鵡性情馴因之令
我成長歎始信沙門有學人

和劉誠意伯韻

以景盤中事：宜劉侯怪我懶題詩自慚倚馬才情盡無
奈濡毫製作遲藥裹每因貧病日衣冠喜過聖明時多
君肯說先公舊令我重揮墮泪碑

陪節太守遊道峯

落花滿道雪紛：老客登臨思不群天上三池含綠水山頭
一塔倚青雲蘇公詩句令人嘆何楷書聲隔塢聞露冕行
春真樂事詩成兩袖染爐薰

寄烏程許大尹代東白作

旌陽孫子宰烏程出署朝：戴啟明身委公家思早作志勤王
事坐殘更雞明城郭天光爛花拂棠衣旦氣清太史若脩忠孝
傳定書吾道許侯名

答許大尹

危樓百尺擅佳名回望山川爽氣清今尹文章銜佩玉老夫家
世亦簪纓孔融美酒留人飲杜甫丹心向日傾共沐天恩長感
激悠：吾道荷生成

誠意伯劉公盤谷八景 雞鳴山曉

青山積翠宛如雞昂首應同肺石棲若木風生疑振羽扶桑

日上不聞啼西來爽氣浮青瑣東挹天光照裁泥會見君王頌
世祿先生依舊上雲梯

龜山春意

穹隆翠嶽類龜形諸老題詩手不停土作岡陵無卦策氣蒸
雲雨有神靈天機漏泄梅先發地脉勾萌草欲青便擬郊行問花
信鳴駒先我扣林坳

西岡稼浪

何事西疇起怒濤南風昨夜長新苗青浮吳甸三秋草白湧
胥江八月潮田畯有疑頻卜歲溪翁欲渡不容舟天時合應豐
年兆準擬家：醉濁醪

北塢松濤

千尺青松滿北林谷風不動自成吟春雷殷：龍驚蟄靈籟瀟瀟
：鶴在陰世治歌聞韶武奏心清如聽潮音多君洗盡笙簧
耳能為松聲一鼓琴

雙澗秋潭

劉侯自有神仙宅近結衡茅俯澗阿二水合流成大壑雙龍飛
雨下天河波光雲影長相盪玉鑑冰壺不用磨老我荒村多
壘足無由同賦考槃歌

三灣夜月

三峯玉立青雲表中有幽人望影娥天上嬋娟長瑩潔人間

歲月自消磨爛斑綵服清光近照耀慈憐白髮多好奏壻麓
拜家慶不妨清夜飲金波

松磯釣石

雲松矯：覆漁汀石上苔痕掃沒青
謾把文竿投剩水可無
赤鯉伏滄溟先公已應非熊兆
北客猶容處士星祇恐釣磯歲
不久天書早晚下青冥

竹逕書齋

新種琅玕綠可憐中林有客款
逃禪兩堦蒼雪飄袿袂一送
清風沐簡編日色上簾朝退食
書聲出戶夜無眠業頭不
用然膏火應有藜光照席前

次布政王公韻送同考官蘇鳳儀

棘闈較藝樂新知不久分携重去思
青眼肯揮離別淚白頭
同老聖明時容懷暫醉烏程酒
人事空悲墨翟絲別後莫因
雲對隔鴈回無惜寄來詩

綠淨為丘通政賦

通政幽居足幽隱淪新開水樹隔
游塵雪消波影浮青瑣風
泛天光泳裁鱗激渴每思唐杜甫
濯清獨羨楚靈均老夫
屢有憑闌興祇恐衰年咳唾頻

梅月雙清

先公風采有如仙曾種梅花閱歲年
綠鳳棲香春澹素

娥行影夜娟。琴彈白雪延高酌。席泛清輝足醉眠。最是孫
枝能好禮。往來吾道每留連。

浙江儲都尉射虎卷

將軍胆氣拂青雲。朝闕孫吳晚好文。可但奇功誇一虎。會
看大鄴冠三軍。雕弧白矢開妖霧。雨血風毛灑夕曛。斬却
樓閣應有日。丹心好答聖明君。

太白觀泉圖

清平賦罷百花開。忽爾青蠅集上台。投却鑿坡摘綉筆。
遂歸廬阜讀書堆。河傾瀑布飛龍下。風散瓊英振鷺回。
仰面青山一長嘯。浮生如此且啣杯。

○七言長律

挽鄭博士

浦江春水綠。汜。苦憶平生鄭廣文。燕市盍簪交有道。龍
沙躍馬喜同羣。觀光嘆我空為客。獻賦多君早策勳。內
省承恩天咫尺。太常議禮日紛紜。草麻風動飛鳶筆。進
講香浮辟蠹芸。藪禁朝趨朱履上。青綾夜宿腐膏焚。
清光屢被張公藝。輿論同歸崔孝芬。遷轉倦為天上客。
釣遊還憶越中粉。鱸魚風起驚秋暮。駿骨臺傾又夕
曛。西過鎬京歌振鷺。南歸栗里賦停雲。鵲鷓沙暖詩無
廢。棗葉軒高酒屢醺。一飯思親符美味。五倫有子浣中裙。
譜逾六世終無累。服盡諸孫不忍分。烟。丹心明果日垂。

白髮避玄纁泉因孝感親朋汲田播人情子姓耘拄杖有時
歌綠竹濯纓隨意采香芹稀年已見圖三老好客時能
罄一欣華表忽聞千歲鶴山中已有百年墳屋梁月色
徒勞夢谷口楚音已不聞歎致生身歌潦倒白頭清泪
灑江濱

○七言絕句

趙待制席上

春城飛絮日顛狂簾幕風微燕子忙醉後不知羅袖薄

牡丹花上月如霜

發華家步

華家步頭山作城山中小溪如乘行五更風雨到蓬底以十二灘

春水生

晴風漠漠吹江花灘聲冷走玉沙船頭香稻吹未熟不知不覺

到金華

趙千頃梅開歸計圖

南望鄉關截翠微白雲飛處是庭闈到京擬上陳情表万里

梅花一騎歸

黃鍊師詩卷

枸杞纒：白芷香鍊師采藥過黃岡道旁若見孫思邈為
道南山有虎狼

明詩綜亦選
列朝詩集卷第
五卷

明詩綜選

湧金門即事

湧金門外步陽春
舊日軒楹盡劫塵
却笑柳洲新燕子
飛來不識白頭人

山水小景

溪上群峯擁翠鱗
石根綠樹隔芳塵
山人豈是陶貞白
坐看浮雲聚散頻

微廟折枝木犀

瓊樓十二桂花宮
談笑風沙良嶽空
可憐^惜天香懷不去
一枝遺恨畫屏中

芙蓉野皂

芙蓉露冷粉香銷
戲水仙皂玉羽嬌
只恐稱梁肥却後
空煩太史候王喬

芭蕉士女

懶綉鴛鴦起欠伸
芭蕉偏妬六宮春
若為久立湖山下
只恐無愁復化身

花落朱闌日影移
玉人睡起要扶持
東風一卷芭蕉葉
欲寫春愁寄與誰

芙蓉孔雀

芙蓉能白石能星
花下涼生孔雀翎
莫遣多人頻看畫
隄防有客射金屏

題扇

青雲松蓋雙龍矯玉雪梅花西樹紅款乃若歌山水綠秋花
溪上有漁篷

題趙待制馬圖

雲氣成龍產涇注貢未天廐玉無瑕春風三月長安道曾勒
金羈看杏花

題桓伊吹笛圖

王業艱危事可知新亭舉酒泪交頤桓伊豈是忘君者翹足
閑將裁玉吹

題陸中允扇

龍溪二月水如天楊柳垂垂綠似烟最是蘇灣春好處桃花不
礙釣魚舡

題西湖景

桃花含笑柳絲牽月榭風亭似畫舡回首湖山舊遊處一杯流
水半荒烟

松月軒

戶外青松落子初秋光飛下玉蟾餘晚涼定有歸來宿相伴
山人夜讀書

題表侄張豫畫扇

子被衰麻居倚廬可憐憂色未全除蕭蕭橋梓秋風裡能向

蓬窓請父書

遣婢

夜伴烟銷織女燈涼生
新篔簹寢還興獨憐井上梧桐日照見
紅冰幾第層

阿蓮今夕苦辭房向我
寒衣泣教行親手起來
淚汝淚殷勤
好去事姑嫜

王謝堂前燕一雙
烏衣涎拂金窓雕梁
一夜西風起腸斷
東家飛過江

阿蓮別我嫁牛郎
河上紅渠步香宗
玉才情今已美老夫
無復夢高唐

手種楊枝與柳枝
當時培養本無私
如今老去黃金盡
粉白

以後寫

從渠嫁阿誰

附錄二字

蛺蝶圖

玉質名花照眼新
多情蛺蝶採香頻
若為飛過西家去
一段春愁惱殺人

棣花軒

買栽池館錦香和
一夜風凋可奈何
遺事不須故老
湛家翁
得棣花多

挾彈圖

五陵蕩子控雕鞍
挾彈春風樂少年
老客祇知耕鑿好
買

牛歸去治山田

答趙都事

白面郎君新進士
龐眉書客老諸生
酒醒同望雲霄月
依舊欄杆北斗橫

白澗波上王孫家
百年喬木含清華
相思昨夜倚樓望
月明照見冬青花

茗溪漁隱

天末群峯下翠鷺
松根茅屋倚溪干
老夫款趁漁舟去
只恐風波也不安

松雪竹禽圖

烟消淇澳綠霏霏
石上琅玕翫鳳飛
一段幽情誰寫得
山禽閑理翠毛衣

紅梅

姑射仙人玉雪姿
無端酒暈忽凝脂
孤山若有歸來鶴
認作梅花也自疑

題畫

金碧樓臺天上開
雲林深鎖讀書堆
問奇莫道無人過
有客今朝載酒來

和韻西湖雜興

清秋為客楚王家
搔首西風洒鬢華
莫待天厨香積飯
有

僧林下掃松花

五馬遊山草徑斜
冷泉無復湛清華
道旁賣酒多婆婦
門掩天香采桂花

吳山絕頂舊天家
一代遺宮嘆玉華
鳳鳥不來江水洞
冬青落盡萬年花

老來為客倍思家
先壠荒涼歎白華
節物不知愁裡過
西風開到拒霜花

柳洲昔日故人家
烽火經今幾歲華
莫道羣英俱落盡
秋光都在紫薇花

雲屏繞屋竹為家
愛爾山樓靜不華
記得唐人詩句裡
日

斜曾詠款冬花

雪景

群峯玉立雪瀟瀟
籬底詩人興獨豪
好在中春釀熟買
魚歸去飲松膠

水殿納涼圖

百頃荷花水殿開
館娃日暮采香回
夫差只玩宮中樂
不道溪南報越來

小兒牧羊圖

小兒坡下草盈墟
識得羣羊食有餘
誰道牧童長在野
截蒲曾見路溫舒

塞上荒：古戰場夕陽芳草幾芒黃可憐漢節歸來晚遺
下胡兒替牧羊

柳巷晚步

五雲門外雨初晴柳巷風微下馬行記得誰家亭子上杏
花官酒聽彈箏

晚行溪南金仲達索賦

芙蓉花開秋滿川小姬采蓮缸作舟忍將素手代雙楫衝
波莫被菱根牽

讀碑圖

孝女祠前江水流松間石刻尚含愁曹公欲辨碑陰字若

比楊修後一筆壽

宋劉松年臨唐關立本高山四皓圖

松根老客豈凡才棋局春深半雜苔羽翼已成王業定不
勞鳩杖出山來

枯木鳴鶴

危梢削鐵帶叢黃望曾染宣和翰墨香展面若為鳴鶴舞
諸公應笑老夫狂

瞻雲軒

潮生潮落富春堤瞻望歸雲眼欲迷若道豐隆能化馬騎
風先到楚江西

文敏公蘭亭帖

茂林修竹已荒墟定武蘭亭歲月除回首吳興松雪老風
流不減右軍書

思遠軒

知君能誦永思篇歲久憂親自可憐老我亦興風木恨夜深
揮淚不成眠

霞嶼

芙蓉城裡是天家與子曾食五色霞一枕夢回春又晚丹
光吹上武林花

徽宗鵲

一鵲僵三噪白楊細看描法似徽皇當時若畫隨陽鴈猶
得傳素及故鄉

舜舉瓜圖

綠膚引蔓玉團圓曾種青門一畝寬記得草堂詩句裡杜
陵曾嚼水晶寒
綠膚引蔓玉團圓曾向吳興畫裏看若道葵丘今及代老
夫無復夢長安

賣醋圖

儒者由來愛食酸崔宏三斗豈虛傳之醞只恐隣家笑且
賣文章當酒錢

猿圖

戴茹垂玉故園東偷眼獼猴腹未充
旦暮若為三四術衆
猴應是恐狙公

金人飛放圖

沙漠微霜草木凋金人騎馬氣何驕
胡鷹飛上青冥去
雪洒雲鷺白錦毛

馬遠山水

千尺雲松倚石床飛泉漱玉洒衣裳
西翁自得棋中樂不
道人間有許忙

慎齋

書滿床頭葉滿家良醫慎疾玉無瑕
他年濟活功成後談
笑開園看杏花

恒齋

醫道由來貴有常要須持久事岐黃
此回若過韓康伯請問
平生不二方

杜牧詩意圖

蕪城山水淨芳塵詩客閑情每惜春
一點落紅銷不盡風流
都屬倚樓人

題畫

山繞林亭翠翠浮鳴琴有客久忘憂
不知疊嶂夜來雨澗

上白雲如水流

竹

墨池洗玉淨無泥葉涼歸綠未齊記得滄江聽雨夜湘靈
鼓瑟鷓鴣啼

馬圖

柳拂金隄碧草齊青驄騰驟落花泥歸來飽食閑羈勒
獨立丹墀不敢嘶

題王黃鶴小閣

每向西湖載酒過小風輕雨聽漁歌王君又寫孤山意從此
令人入夢多

題淵明醉歸圖

楊柳陰濃徑未荒每從隣曲詠壺觴北窓長日風如水扶醉
歸來夢亦涼
秋聲策策振庭柯良夜佳人鼓瑟歌試起開門望明月芭
蕉葉上受風多

墨菊

未央宮殿鎖鴛鴦瓦上朝：月色黃到底秋香銷不得風
枝一夜染玄霜

馬圖

花落龍門春晝遲錦鞫玉勒爛光儀而今喫遍燕然草

閑却絲韉不用羈

楊妃秉燭圖

夜醉沉香秉燭歸
丁寧婢子好扶持
分明一炬驪山火
爭奈三郎死不知

高彥景山水

夏木陰陰生夕涼
青山多在白雲鄉
元暉已遠房山老
想像風流太息長

山水小景

江上峯巒翠翠秋
浮秋生群木迴添愁
五雲樓閣天垂象
知有神仙在上頭

題山水小幅

萬朵峯蓮韻玉肪
青紅群木炫秋光
水軒三客忘言久
不道人間有許忙

阿翁八十眼如月
能畫山川析毫末
我年九十百無能
默罷先天養吾拙

每見唐侯具有餘
揮毫能寫翠芙蓉
扁舟好載尋真客
步入山林訪隱居

里中有不順其父而酷愛其子者
作二絕句以戒之
仲子生兒骨髮奇
子因兒痛苦嗟咨
還知汝父生賢日
却似如今汝護兒

生得雙珠百不憂，致期汝撞烟樓誰知長大心俱變却
把助勞作怨由

失題

昔年與子遊深河，看花河上揚青歌。歸來歲月遽如許，關
山宿草哀情多。

題畫四幅

石鞦韆鬟柳拂堤，杏花風定綠雲棲。尋真二客來何處，春
服仙：信杖藜。

青山委蛇抗龍首，綠雲陰森虛白晝。山下誰家有客來，奚
童急：能沽酒。

玉氣成雲晚不收，夕陽紅樹下林丘。秋光都在山溪上，付與
漁郎一葉舟。

玉樹娟：雪滿塗山中路滑，要支吾灞橋。此騎驢者豈料
千年作画图。

後幅松
竹存墨
宜在此前

○贈筆生陸文俊

茗雲東來水如練溪上涵山出孤巖山下人烟如井邑家三縛
免供文苑吳興閣老松雪翁書法真與鍾王同當時筆家
爭效技陸穎一出超群工嗚呼穎也收聲久諸孫文豹冒其
後承恩玉几天回光杯寶東吳不輕售同宗文俊藝更精
論工與豹相抗衡宣毫板萃霧雨濕越管入手風雲生
世間駑駘雜汗血孫陽不過誰旌別羊柔肯寫黃庭經
榮重難臨青李帖金花煌：封兩頭裁毫價重珊瑚鉤容
未寄我茅屋底貧居豈瓊瑤酬老夫今年七十九目昏手
顛書何有工耶拙耶且莫論請過華溪酌春酒

修補
修補
官在此前

○贈筆王陸文後

茗雲東來水如練溪上涵山出孤巖山下人烟如井邑家三縛

免供文苑吳興閣老松雪翁書法真與鍾王同當時筆家

爭效技陸穎一出超群工嗚呼穎也收聲久諸孫文豹昌其

後承恩玉几天回光杯寶東吳不輕售同宗文後藝更精

此處先抄記
序三篇再抄詩

豹相抗衡宣毫板萃霧雨濕越管入手風雲生

十六首
補錄二字

駘雜汗血孫陽不過誰旌別羊柔肯寫黃庭經

榮重難臨青李帖金花煌：封函頭裁毫價重珊瑚鉤容

未寄我茅屋底貧居豈瓊瑤酬老夫今年七十九目昏手

顛書何有工耶拙耶且莫論請過華溪酌春酒

尚綱齋辭

文綺雖華好不如布帛之暖老八珍雖甘肥不如蔬食之樂
饑聖門設教有條理立心當自下學始錦衣煌煌被吾體加
以卑穀以蔽厥美闡然而章乃君子鍊師抱一學老氏外不表
襟中則韉以綱名齋良有以君不見五陵綉衣輕薄兒梳言
蠟貌徒夸毗繁華富貴一朝落雖欲尚綱將焉施吁嗟不學
令人唾

○松竹軒

門前種青松屋後種脩竹雲來雀巢青雲去鳳毛綠之子
請吏隱卜居苔之曲掃花黃雪深解帶清風穆嘉賓時過

之足以娛棋局毋令有遜心金玉在空谷

此古直
在高綱齋
舞後

○蓮道溪山春曉圖

李侯解組住荆溪三客詞交遠過之情似謫仙來鑑曲興猶杜
陵遊漢波孤岑削翠青丹：清波洗玉春瀾：昔人風流有如
此披圖令我室嘆咨

雙溪漁隱

雙女樓前月色澄題詩還憶沈吳興雪消二水鷗連席春入
孤舟魚上冰泛梗菖溪時載酒讀書茅屋夜篝燈客星若照桐
江水祇恐君王問子陵

代繼祖述和量獨芳韻

扁舟西來尋翠可冰雪軒中枕書卧新詩何處忽飛來祖庭
更有師兄大佛前簷葡萄香霏：殿後琅玕青箇：我今說法
佛子聽天開五色蓮花座

代鄭善卿挽楊恭政

蘇隄楊柳萬千條一夜風霜變六橋白骨湖邊鵬舉墓素車江
上子胥潮譙樓梵角秋風咽玉帳虞姬夜月遙莫向隣翁問秦
賈至今清淚話前朝

雲門一句翁

幾年晦蹟水晶宮一旦聲名達九重漢代文章推賈馬虞廷禮
樂集夔龍承恩夜賜金蓮炬奉詔晨聽紫禁鐘共說才華如

北海玉堂揮翰自從容

若嶼張輅

謫仙孫子李長年釣水燕山住雲川十載明經通治理一朝膺
詔起林泉詩成珠玉才無敵字草龍蛇代有傳話別津亭
暫携手滿空明月照離筵

吳山夏敬

盛世寧容作陸沉况君聲譽滿儒林摘文舊夢花生筆躍治
新成劍鑄金客路去時三伏盡帝城到處五雲深得官寧養
雙親喜不負平生愛日心

姑蘇宋玘

溪頭解棹促離程，承命從容上國行。
庭草露深秋意近，水花風澹晚涼生。
詩囊滿著三千首，金榜先登第一名。
愧我不才多老病，烟波白髮釣絲輕。

京兆宇文燧

花底停驂酒數行，河梁携手若為情。
東吳契友難分袂，北闕徵書促去程。
李白詩豪終大用，楊雄賦偉得高名。
九重到日沾恩澤，歸覲雙親畫錦榮。

三二道人

客中詩贈客中人，舉步青霄景色新。
只在山林見麋鹿，豈知人物有麒麟。
風雲際會奇今日，君子交歡過此晨。
滿目春光生意好，蓬萊咫尺喜相親。

先生意好蓬萊咫尺喜相親

此三篇記

鳳林書院進修齋記

本堂在朝
和首好等
主者皆前

朝太興文教首崇儒學作養人材凡昔之學校廢弛者悉

復其舊蓋將以敦治道興教化厚人倫其上也自國監府州縣

下及閭巷鄉黨莫不有學今資善大夫工部尚書嚴公昔

以賢才著聞入朝致位六卿由學所著致而公子姓繁衍且

以為不學無術夫學必本乎靜遂擇地於鳳林之西乃命其

子儒珎俾建書院一區繚以周垣外立高門前堂三間榜曰正

義翼以兩廡以奉賓客故賓至如歸其後構屋數楹榜其齋

曰進修進令諸生肄業其中其右曰嘉友軒為燕嘉之所由

是師生有房器用有庫庖福有所繫聖完美既而厥工告成

即其前。為釋菜行禮而後以為進脩樹以松柏槐楮植以牡
丹雜卉列以奇石望之翬飛即之。如高明軒豁然儼人境
俱勝向之鵝湖武夷白鹿殆不是過。俾耒以書徵文為記竊
嘗聞之八歲入小學十五入大學教之以洒掃應對進退之
節愛親敬長隆師親友之道皆所以為修身齊家治國平
天下之本而必使其講習於幼稚之時欲其習與智長化與
心成而無扞格不勝之患也。然學者必立之師蓋所以傳道
授業考訓誥正句讀而解其惑者也。三代而下漢唐以來賢
公卿大夫莫不由學校而人材出焉莫不由讀書而德行成
焉。今尚書公原其所本有自來矣。故其設心也宏其慮事也

周而儒珍之繼述又能慎其始而能謹其終况斯舉也是大
有功于名教俾頑夫廉懦夫有立志願不偉歟况予才學疎
陋然不得以哀老辭且遠公識見之明而貽遠大之業輒記其
興建之由以告於來者復係之以銘曰

惟皇降衷厥有恒性氣以成形而理真靜才稟於氣或濁或
清剛善柔思暴棄攸成逸居無教德何以明往聖垂法布
在六經爰立之師先覺後覺蒙以養正必志於學敬敷五
教司徒是作欽惟 聖朝比隆三代文教聿崇德並覆載維
我尚書學古入官登庸卿相鵠立朝端乃明彝倫乃建書院進
修名齋廣益聞見為子盡孝為臣盡忠我作銘詩昭告童蒙

龍集壬午孟秋吉日華溪九十翁沈夢麟題

並蒂木芙蓉記

凡草木花卉之有韻度者士大夫家多愛而時之又將與騷人墨客詠歌而樂之若詩之詠淇澳以比德于衛武謝大傳謂芝蘭玉樹當使生于階庭以諭其子孫至于陶靖節之愛菊周茂叔之愛蓮非有得於真趣何其愛之深耶吾鄉之工部尚書嚴公自為士時予與之為友觀其器宇端重家法謹嚴已知其異於流俗及登庸之後其子儒珙昆季能承厥父之志昼則幹蠶夜則讀書復能修潔其庭宇開拓其基業兩堦多植竒葩異卉正木芙蓉之竒者花開時日光玉潔照輝几席令

年秋杪予過其居入中門獲見白芙蓉中惟有一本花分紅白二色竝蒂而開予曰竒公家禎祥之兆也儒珙曰前歲園池中蓮忽並蒂而花大謂之瑞蓮是歲吾父由郎中擢陞侍郎冬杪牡丹盛開三枝吾父復拜都御史儒珙不敢自銜若先生之言誠然哉予謂禎祥之在天地間惟有德者當之故德稱服詩所不取使蘊于中者寔有是德雖妖孽亦變為禎祥矣吾聞尚書之在朝廷也以憂國憂民為己任則德之積于冥冥中不言而可知者况其子處已接物溫恭謙抑凡士友之過門者款愛尤為問其急難閭閻之告病者必周旋撫恤減糶價以賑其不給過柳堂老成之士恂

然執弟子禮未嘗有驕之色可謂善繼述者也書曰作善降之百祥詩曰樂只君子福祿申之其嚴氏之謂歟雖然靡不有初鮮克有終天下之事始勤而終怠往有之今儒林昆季誦聖賢之書佩尊父之訓諒無始勤終怠之病心之為物出入無時設使德有未充者當修其所未充善有所未盡者當勉其所未盡如此則子孫天必錫之以無疆之福矣傳曰惟善人能受善在此可與知者道也儒珍作而謝曰先生規我之言不屑之教誨也敢不佩服以終吾身

司空嚴西塞先生南遊集序

仁人之理與天合故出使以知其道蓋出使之道有關於士之榮辱者焉故君子遠使之而觀其忠近使之而觀其敬屢使之而觀其能卒然問之而觀其知急與之期而觀其信委之以財而觀其仁告之以危而觀其節醉之以酒而觀其德雜之以處而觀其色君子易知小人難知所以托孤寄命者此也詩曰蠢爾蠻荆大邦為讐動為國家患自古而然也何況炎方萬里之俗乎然駱越之人父子同川而浴相習為鼻飲其與禽獸之類相若古文趾之國即今安南也巔巔獨居一海之中霧露氣濕毒州蛇虫水土之害人未見虜戰

士自死勞師遠攻本無益也我

朝太祖高皇帝洪武二十八年秋龍州梗化命將出師討之
其為師也軍政條明倫禦有素何慮夫蠻夷之勿率也
而安南一小國耳與龍州相連彼類必疑耳令預知又恐兵
臨其境繹騷其民於是命禮部尚書任亨泰監察御
史嚴震直移文以安其心時安南王方弱冠而黎民相持
以奸猾二公至其國開道以政我以禮而動彼以心而服故
勤款且尊且敬也以此雖然二公得馭外之術不辱
君命忠義之氣奮矣然亦幸遭

太祖高皇帝之明而嚴公老成持重任公聰明詳畧達天
下之務公天下之心所以出言而信發而中節者為然其往
返之勞風濤之險歷炎荒之墟踰嶺海之表亦甚艱矣
而艱難險阻之中有風雅雍之量激勵乎忠節寄情於恬
澹無不適其意者此南遊集之所以作也嗚呼任公歿矣嚴公歿
年復有興安之役以其前後所存之詩併錄於左達者觀之
所以見公之能詩又有以教後人為使之道矣是為序
歲在上章執徐冬臘日茗東潛愚老人沈夢麟書

華溪翁題柳塘亭

公子開筵納晚涼脫巾容我據胡床綠尊醉倒花連席
白鳥飛來水滿塘按曲不勞紅袖舞彈絲還憶淨琴張

盍簪此會拚同醉爭道先生老更狂

附嚴震直贈花溪先生

九十神翁叙舊情一宵清話了平生月明庭院分花影
風煖園林送鳥聲筆走撼搖山嶽動詩成能鬼神驚老
夫獨有丹心在共說蒼生樂太平

附劉青田贈花溪先生

收却雙鳧卧水雲健將白髮走乾坤杜陵老去詩
千首陶令歸來酒一樽江左文章多過眼花溪風雨獨開
門別來世事俱非昔故如昔今有幾存

附註以敬送李長年赴京序

花溪沈夢麟先生在西為進士在聖朝則六為考官以主
文衡實蘇湖間之鉅儒也其學貫穿諸子百家皆窮極
旨趣而於經籍則尤心會神融而無所抵牾故作為文章雄
深雅健綽有西漢之風其為歌詩則格律淳古視唐人無
媿年高德邵處於丘園常自號為九十三翁後學尊之
則皆稱曰蒼溪先生且先生當少壯時家饒貨財好
施予於鄉人賴拯其困窮者甚衆生二子賢而有文不
幸皆蚤先生卒泊老婚李希巽館於家而終養焉予以
菲才備員湖學先生自花溪未始拜識之先生以官

守羈絆不得數。請見居無何而先生考終。雖悔悼無
及。永樂元年間。邂逅希吳於石灰山下。希希吳內完
外粹。議論不凡。予歸語諸同輩。喜先生雖歿而其學充
不墜。後有人持長年詩文來示予。長年則希吳之子也。
披而讀之。見其才甚俊。其學甚富。辭藻爛然。一洗陳
腐之態。予是大喜。先生之學為有傳也。今長年業修
於已。名聞於人。鄒二千石以聘禮薦而升諸朝。長年
自此而登山舉足。愈進而愈高矣。然吾聞京師儒
者之源。歎也。詞林中宗工多先生故。舊聞長年必
狂駕而頽倒。履而迎。長年幸過其人。要當求大手筆
發揮先生之潛德。光可也。俾先生之名恒不朽於天壤
間。其長年此行。欵予嘗辱先生之知。故送長年之詞
不極其誦美。惟寓感慨之意。云昔永樂八年歲在
庚寅。仲夏望後。秦郵社以敬序。

李長年直述花谿先生行狀

蔣谿張宅有大使者。公之外祖也。公以幼喪父。受大使
恩。後年七十餘。遇清明。則至墳上祭掃。吾亦曾侍兩度。
至今記得家中時祭。屢見嗚咽泣下。蓋傷父早亡。母氏
勞苦。祖父梅屏翁撫養之恩也。今人多有親喪未久
而飲宴作樂如平時者。况歿後久遠。而能嗚呼乎。又能

思其祖父暨外祖父乎嗚呼人之賢不肖真霄壤懸矣
昔公與叔祖宣使公分析析時任其私入庫內取其美者
然後均分雖至物為己所鍾愛弗與之較也又宣使公常
奉浙省 入京公作 之青詞有云上天無
私因哀籲自然降佑小 急難其可忘情又云

歌皇華于別離之初兵戈滿眼

風雨之夜骨

肉閔情況道聽之虛訛致母心之惶惑又云伏願紫
霄降鑒丹陛垂慈兄弟同心永免闕牆之累庭闈
有慶各思愛日之誠榮嘗見今之兄弟因毫末財利則
為仇讎比時庫內豈止金銀珠翠而已哉

昔

稅戶結怨于韶林等處人戶元末大亂彼怨

者結連千餘人持凶器把欲焚其寺行至趙塔公知之
單騎腰銀一百兩直至衆中為之解紛遂與銀為酒食
之費彼拒而不聽寺之衆各執器械相拒而免此時雖非公
全之其初心則實歆之也吁以千金之軀入函徒衆中又
白金百兩人所難捨者非人仁君子存心于愛物其能
然乎

有死而無棺者輒與以棺并木柴米麵鹽醬陰錢蠟
燭等物至今相傳尚有言者

元末時松江士人吳善卿者家居無聊買舟謁吾族

舅孟昌遠姑蘓名妓至酣宴于中堂報之出見竟不留
款時當歲暮天寒大雪善卿彷徨無所投遂詣梅莊
章先生時公館章于家塾善卿造焉值公養病于外
寢即招之與相見留之半月日以盛饌待之行時贐禮既
豐兼以酒脯柴米等物滿載而去到家已除夕矣其母
方欲以耳環入市易祀先之物見物之畢具舉家驚異
為公與此人素不相識此亦人所鮮能者也 善卿乃隗
烏兒心小自賣馱骨斯後中進士為樞密院判鎮紹興
稱為邁判院

前元時有士人失其骨貫姓字公常與之同往大都應舉
至彼患痢伏枕日久家童鄭完等厭之公見其頻數便
器滿而臭穢人莫肯為傾滌之者即以香白芷塞鼻孔
親為傾滌之完等恐懼自是伏侍不怠其人死為買棺製
衣衾煖而燒化之幽骨送至其家大都即今之北京也嗟
乎身為友生滌便器并歸其骨于三千里外人所難能
者也而能為之豈非陰德乎此吾幼年聞老蒼頭彭壽

云

公常養疾凝然閣中夜聞船坊外悲啼竟夕明旦呼錢
作頭問之乃一老丐者夫媪居破船中時天寒雨急上
下俱漏不能安寢耳遂令外廚養之為修其船一月

餘船以始乾遺以柴米鹽醬而遺之舡無蓋仍為製之

公感年多貲濟人利物孝友慈讓等事諒不可枚舉此
七事者余幼時聞諸鄉人今年踰耳順記之弗甚詳恐
吾表姪并後世子孫不知故直述之使幼而未知文義
者亦能曉之耳良心未喪先人之言可以為主也予惟沈
氏宗族頗多又外親若沈伯莊沈德懋張提舉錢仲完
蔣壚張塘北杜沈許諸宅絕祀者已多而存者微甚
矣獨吾外大父六為考官欽蒙朝廷眷顧榮耀晚年
壽登九十無疾而終子孫綿之奉祀事予雖外孫未嘗
一命而忝教候門人少清眇皆先世積德之驗也為後者其
可不旦夕思其所由去其邪僻之干存其仁義之正以教其
子孫繼承其先世之美哉昔

宣德十年夏四月上澣外孫李長年謹述

附一齋墓誌銘

賜進士第中憲大夫山東按察司副使前刑部郎中致仕

黃巖施槃撰文

賜進士第中順大夫雲南按察司副使前廣西道監察

御史致仕仁和鄧公輔書

賜進士第奉政大夫廣東按察司僉事前貴州道監察

御史致仕餘杭徐禮篆

成化間予與公同官刑部曾見知公公姓沈諱清字

庶夫號一齋湖州歸安名家謂花溪沈曾祖諱宗本

祖諱秉祺父諱聞禮字庭立號碧梧

高祖諱夢麟老登進士官學正同考會試

高廟禮重之而稱爲老試官與誠意伯劉公遊後子孫請

戊撫寧衛碧梧以登名卒成所公泣且嘆曰烏用是畫者

高哉畫焚譜媛春秋於太常御翟公輩公輩以公寤

探遠詣於執戟之暇而深得大聖人筆滴削之旨以子

今評事君秉衡輩授公原束修使供母公遂領成化

鄉薦成成登進士第知山東樂安縣凡利所當興害所

當革者次第罷行之大慰民望新作泮宮有白鳥數十

飛集夫子廟二日後去人以為公所感士之未學不遠數

百里者十餘若今蘓郡太守鮑重器輩悉登科第丁未

陞刑部主事負外郎奉

命議獄南畿詳當允決隱伏之事若所親見茲土無冤民受
勅封私治甲寅陞江西按察司僉事福州山賊鄧遲八等哨
聚劫掠弗可除剪公誓不与賊同生督兵授以方略斬
獲渠魁及餘黨二三百以寧地方重以旌異後荷

誥命進封然不肯與世俯仰辛酉解組歸以奉母太宜人
二族弟澄源与之卜居擇配得以成立表姊唐氏以
事累坐獄為之滌難解紛義形於色忤尹不惜友
人金克和貧不能娶捐俸助之滹暑脫巾不敢見
天早禱雨隨應秉燭而興必焚香拜天及祖考日不

自暇寢令童子默記之遇詩客之貧常解衣以沐分
食以食且長于書性詩文易數求之者不絕應之亦
不倦有一齋稿存家千字文忠孝節義草帖流於
世正德改元奉

詔進階一級与太保閔公輩作者英會賡歌賦詩金輝
玉映以效古人綠野堂之高壽以疾卒正德癸酉正
月六日也距生正統己巳九月二十二日享年六十有五
配徐氏有淑行封宜人子維城府學生有文譽娶黃
氏吳江侍御史黃公誠夫姪女之一遠太學生吳江金瑞
孫女四安貞許太學生德清童戒夫子奉蒙安靜安

寧安詳尚幼維城卜以正德。年三月十五日扶柩葬於
金蓋山祖塋之次先期以主事王君廷重所為狀遠未
請銘嗚呼平生之好兄弟之交忍銘之手忍不銘之手
詔曰
鷄鳴嚮晦力以為善大舜之後世豈多見奮不顧身
取賊不戰殉國之急尤矣方面民之父母遠近稱便片
言折獄人莫之先敬事上帝匪求其春以孝以友終
始不變公之多能時之聖彥金蓋之山新封翠鈿僊
潭立家子孫繁衍億萬年兮墓草青循

惟沈著姓于湖以文章著於湖海者居多自漢
曰戒迄今如
先生者亦一人也先生與趙文敏姻家故其音
格多自其中來至今人以沈八句稱之厥孫刑
部主事清懼斯集之放逸也將鏤梓以示不忘乎
先生在

國初五典文衡如斯集者特緒餘也沈溥跋
吳興沈夢麟先生花谿集三卷詩文四百廿四
篇先生之孫僉憲江右巡歷未瑞命予鏤梓以傳
且令贅數語於後予受而玩味久之深惟先生文

宗西漢詩法成唐派、于大雅之音卓然自成一家
言語其良金美玉有目者皆知其為寶也奚待予
言而為之重輕哉謹識

弘治九年歲在丙辰十一月吉日

賜進士出身中憲大夫江西瑞州府知府晉陽後學

李思仁跋

花谿集後序

古之君子志於不朽者知立德立功之未易則銳
意於立言自漢以來篇目見于藝文志者無慮
數百家然不數世輒漸盡泯滅而無傳方其疲
精神勞心思肆意于觚牘之間豈不欲傳於久
遠哉然卒至於泯滅豈其學術之不純耶抑其
材氣之有所局耶是皆可悲也幸而有賢子孫
為之收拾則雖不能傳于天下猶能傳於一家
又幸而有知言君子采其二粹于類編則遂以
不朽矣而世之得此者幾何人哉予讀吳興沈

先生之花谿集深有感焉先生諱彥麟字原
昭在勝國時以明經領鄉薦登進士擢婺源州
學正遷武康令元季天下多故遂解官歸隱益肆
力於詩文薦紳先生多推許之入

國朝以來五校文閩浙又同考會試有司嘗以賢良
薦徵之辭不起

高皇帝知其老不強也年九十三而卒平生所作詩
文卷帙甚多題花谿集者因其舊隱而名之也
先生卒後子孫遭罹變故謫戍邊鄙而家集
散逸多矣久之其玄孫清舉進士擢刑部主事

因奉使南畿過故鄉訪求遺集得詩文若干首手
錄以歸既而清遷江西按察司僉事乃請憲使同
邑陸公用節編次成帙又得副使同邑吳公懷德
校其偽舛嘗請大司寇莆陽彭惠安公序之近又
請予序予竊評先生學術正材氣優其藝詩

宋儒而無其萎弱

鐵屋有古樂府十卷樂府補六卷門人吳
後所編清古詩集六卷門人章琬所編二卷
余家舊有歲存子有東坡子集三十卷附錄
一卷則未之見過本為樂府十卷附錄則遺音
一卷明英德間陳學善所刻係郡侯君太史
素壁書歲存有太史名印其族孫以度所贈
當求東坡子集彙為一編付之剞劂則秩屋
著作不至泯沒世傳矣戊辰衣桂林題於
西明山光福新橋 董



居六